

洛陽九老祖龍學文集目錄

龍圖閣學士左諫議大夫上柱國范陽郡開國
侯食邑二千八百戶賜紫金魚袋祖無擇撰



第一卷

古詩十一篇

書高辛氏廟

依韻和登州推官

慕秋江上逢端州

落星寺

瀑布

游直陽石室

景臣同年邦兄

題仰山二十韻



陳郡袁陟奉和

途次金陵逢同年

沈遜奉和

第二卷

七言四韻四十四首

和御製賞花釣魚

九日陪宴潁州西湖

讀王元之後集

寄獻闕下一二知己

歷城郡治凝波亭

留題孫先生新居

試筆

監丞蕭君見貽

寄泰山孫復

蕭五監丞新作堂成

贈牛仲容

張寺丞鳴玉亭

庚辰清明

赴任南康

送交代閔屯田

琵琶亭

南康春日

簡穽觀

右軍墨池

清明日與賓客賞花

秋日天平驛書事

濟上夜泊

經劍池

送春長句呈李泰伯

送潘革陽

微子廟

寺有四絕

贈商水連尉同年

次韻和州張旒

明水鎮水陸禪院

龍圖范給事

田四秘丞

官况

哭鄆州孔給事二首

夏州叛

寄澶州孫司理

送孟湘虞部赴闕

送劉進士游邊

同年楊兪作尉

宋嘉言雅善飛白

送韓尉員外

題魏野園

誚王安石乞司分西京

第三卷

五言四韻詩四十二首

題三教圓通堂

馬上讀韓吏部集

至齊五月獄空

眠後于清偶書

齋中既書事

羗先生廟

贈廬山何長老

送承澤上人

酬江西運使

游韶石

吏隱宜春郡十首

題紀信廟

昇州保寧寺

留題女郎臺

春郊即事

送李丞知京兆司錄

送宋丞通判邛州

秋日感懷

寄潁州兄

舟次張澤阻風

寄題漢州西湖

寄千乘劉殿丞

寄信安張秘校

泗水

沈康赴江西掾

張唐民下第東歸

送人作尉臨潼

書懷寄呈張學士

萬太博知惠州

送新州陳式虞部

送蓮房與馬屯田

題劉伯玉日新亭

寄成都詩人謝希濤

第四卷

絕句詩二十六首

秋曉寓目

鴛鴦

後池新柳

歷城春日對酒

戲別申申堂

汴水即事

澄清閣

贈江州李虛一

劉仙石二首

交代屯田遠惠書問

將至南康道中

招二三僚友游廬阜

游栖賢

歌者李蘇

過渦河

馬上口占

登泰山簡同行

又游靈巖

次韻酬陳判官

周咸職方笑臺

感事

題蔡州壺仙觀

聚為九老自咏

游蔡州東湖

詠繭兒

第五卷

唱和詩一十五首

歐陽永升送擇之赴陝府酌飲贈別

龍學次韻和

吳奎長文和

劉敞原父和

范鎮景仁和

江休復鄰幾和

梅堯臣聖俞和

龍學題袁州東湖盧肇石

宛陵梅聖俞和

樂安任大中和

廣陵蕭亢宗和

盱江李泰伯題袁州東湖樂游堂呈龍學

又題袁州宜春臺再呈龍學

龍學和題東湖

又和題宜春臺

第六卷

唱和詩三十九首

題余襄公西園

余襄公謝擇之見訪

題余尚書山居要術

尚書余襄公答擇之借山居要術

袁州慶豐堂十首

袁州通判陳和十首

江西運使閻珣

龍學和閻運使

李泰伯送春絕句

龍學和

李泰伯送春二首

龍學和二首

龍學九日登宜春臺

鄉貢進士宋攄和

鄉貢進士羅誘和

咏彭徵君釣臺

通判陳侁和

京兆章友直和

盱江李泰伯和

第七卷

長書并記 書一記九

上安撫張雜端書

蔡州新建學記

京東轉運使廳名記

京東轉運使廳刻獎諭勅記

申之堂記

知雄堂記

郴州學記

袁州慶豐堂記

唐韓文公廟記

袁州東湖記

第八卷

序七篇

刻經効方序

羣公送潘秘校序

河南穆公集序

李泰伯類稿序

連席秀才字序

進士魏舜元字序

題宜春臺詩序

第九卷

書并神道碑名墓表祭文

與張郎中書

宋故贈郎中工部侍郎清和張君神道碑銘

宋故朝奉郎守司農少卿致仕累贈銀青

光祿大夫潁州陳君神道碑銘 此首原缺

鄭都官墓表

故鄆州孔給事祭文

第十卷

雜文

歐陽文忠公除吏部侍郎告詞

為病設醮青詞 進士策問三道

與李泰伯五啟 謁仰山廟祝文

祈雨祝文 謝雨祝文

秋祭祝文 春祭祝文

祭韓文公祝文 祭鄭都觀祝文

禹州桃源觀題名 仰山新廟題名

趙知光州到任表

第十一卷

名臣賢士詩一十六首附

司馬溫公送龍學 梅聖俞再詠送龍學

王荊公和龍學登紫薇閣二首

梅聖俞送龍學北使

司馬溫公曉春病起詩呈龍學

朝議張薇聞龍學游潁西湖有詩寄之

張薇又送龍學和寄黃元之詩

司馬溫公送龍學分司西京

康節先生即堯夫和龍學詩

又謝龍學詩

又寄龍學詩

曹司勳詩呈恩府龍學

李泰伯題袁州東湖呈龍學

再呈

又寄龍學

第十二卷

名臣賢士文九篇附

歐陽文忠公回答龍學手書

又手書上龍學 王荆公手書上龍學

又手書回答龍學 鄭內翰加食邑告詞

李泰伯寄龍學長文

龍學修袁州學記

袁州教授童宗說春祭祖龍學

張定叟重修袁州學舍菜祭祖龍學

第十三卷

係家集

祖仙傳

楚山道人蘇覺跋

洛陽王濯跋

祥符李平仲跋

河南席登跋

海陵查籥元章跋

莒山續感跋

高平范炳文跋

安陸連鑿題

東萊蔡武子跋

第十四卷

係家集

狀元紫微始末

起居舍人告詞

紫微撰西齋語記

第十五卷

係家集

紫微撰呼延必顯加食邑告詞

紫微撰推忠協謀功臣向文簡神道碑銘
紫微撰文正李公魏國太夫人符氏墓誌

第十六卷

係家集

提刑始末

祖氏先塋芝草記

賜提刑勅書一十三件

提刑跋韓熙載夜宴圖

提刑子德恭詩三首

洛陽九老祖龍學文集目錄

國家圖書館, NATIONAL CENTRAL LIBRARY, TAIWAN, R.O.C.

洛陽九老祖龍學文集卷之一

古詩十一篇

書高辛氏廟

平昔叙星辰元功祀事分因人列官紀行道亞皇
墳高躅追顓頊徽叢歷放勳淳風今不競帝典世
無聞陵古森喬木祠新際遠氛樵蘇當季運血食
屬明君開寶六年勅建此廟舊壤資麻廕遺黎薦苾芴春秋
奏簫鼓疑是六英文

依韻和登州推官張同年之梁山



峻極軋蒼々班形自混茫勢臨坤軸斷根入海濤
疆屹立踰千仞孤標冠四荒興雲山近泰入出谷
連暘絕墳于斯勝煩襟到此涼山經終寂々祀典
謾煌々山海經不載此山秦祠巖黑驪龍睡烟清
采鳳翔藏書陋羣玉中瑟小空桑空桑山材禹載
無遺跡秦碑有舊章乘輿曾直上鞭石宛居傍在
昔初遷鼎當時異省方縱心師誕妄恃力逞彊梁
儒學微言絕神仙怪說彰錫符直德水留識著吾
漿豈念思王度惟期至帝鄉齊男何杳々秋祝自
琅々詎德三山藥翻全一國狂八神寧爾福二世
果斯亾始禍聞陳涉遺書見予長龍輿成大定虎
噬免方穰往事直塗炭寒心劇刺芒自從茲滅國
誰復此祠陽寬毒疑淪髓凋殘競沐瘡鑿宜觀夏
后道合慕陶唐聖世踰三代明君掩百王朝廷隆
盛典簡冊耀休光運氣千齡統歌宣六達莊古今
稱治理夷夏共瞻望洪化周無外羣生洽大康東
民休望幸端拱德芴芳

暮秋江上逢端州朱使君詩以申餞

奕葉清芬遠夫君素履恢人皆推世德我亦愛卿
才新命一麾守長途萬里來畫船江南暗紅旆海
風開服領先生決編毗美花開此行直邂逅幾日
共汭泗去矣瞻仙棹依然對酒盃前程如見憶為
寄早春梅

落星寺 南康

金碧共玲瓏樓臺浩渺中雨花僧講盛星石寺基
雄巖岫廬峯對波瀾蠡澤通微紅看海日遠綠認
江楓鷗鳥機心息潮音梵唱向人間羣玉府 寺有太宗

皇帝御製書 物外廣寒宮雲衲烝多壞塵襟到自空扁
舟五湖客長此伴支公

瀑布 廬山

絕巘千尋勢飛泉萬疊痕寒光涵玉岫靈派杳璇
源峭壁何流立蒼岸井浪翻猿悲經樹急龍駭落
渾、氣爽諸峯秀散和衆籟喧功成身退日期此
灌中園

游真陽石室

皇祐元年十一月丙申任廣東提刑日所作有石刻在英州

昔讀到難篇乃聞真陽室亦嘗惟斯人稱道或浮

實邈在數千里莫覩烟霞質青山有獨往吾志久
已必如何勝俗駕尚此紆朝綬謬分南顧憂惟刑
在欽恤孤官雖云遠勝踐其敢失行、訪雲巖草
樹披蒙密呀然一穴開勢欲吞朝日嵐光屏幃展
乳溜龍蛇屈溪流自清泚松韻何蕭瑟酌酒飲游
客謂言此可述周生誠不誣所紀窮纖志惜我非
吾土無由寄蓬華平生立心與道共湮鬱難進
而易退終當守儒術唐周夔作到難篇謂此
景臣同年邦允作亭於公居池之上予登

而名之曰夢草且賦詩以志焉

新高宗御諱俯連漪名標謝客詩
憲明溪雨過檻靜竹風吹
賀厦應容燕巢蓮亦許
匪何人倦漂泊此地好
追隨兀、乘藍輦厭、倒接
篤秋芳正堪賞樽酒
莫過時

題仰山二十韻

維南斗牛下萬仞聳崔嵬日上光先占江盤勢却
回一方蒙雨露幾處對樓臺不逐秦鞭去曾經雨
載來雲生風滲浚冰泮谷喧飀險外烟嵐變深中

洞府開岩花春灼爍溪鳥暖稽聳飛瀑含清籟
龍走疾雷平川蕭廟閔半腹鄧壇推精蘊瑤瑰寶
部中祀梓材僧軒宜薜荔樵徑怯莓苔傍晚龍舟
橘前瞻瘦嶺梅仙經饒地肺賦筆讓天台神物多
靈貺農田少旱災隱居須獨行吟咏亦難才何容
能依止伊予語敢哉一麾成繫滯四友阻游來未
脫紅塵累徒嗟白髮催夢頻生枕席當每到樽壘
預恐瓜時代圖歸作醉媒

陳郡袁陟世弼奉和

客意正索寞詩同江際來一聞清玉韻如見翠屏
開磅礴霄漢外騰凌鸞鳳迴仙源朝露敞乳竇夜
風颺九月已冰霰三時無沴災徒均南畝澤應老
鄧林材岌々聳天柱巖々尊國台高名皆禍爾真
賞豈然哉紫蓋歌松蔓青錢點石苔神虬潛天矯
皓鶴舞培塿采藥畚芝朮尋花有杏梅丹臺今窻
宵蒼壁古嵬々絕頂飛泉落半岩古栢推勢堪早
蔣霍名不假劉雷釋子安生計幽人作隱媒雲中
認旛利溪上醉觥壘葦戶方窮阮籃軒阻奉陪耳

愁塵事入心怯歲華催已作五噫咏元非三傑才
先將丘壑意橫寫寄春臺

途次金陵逢同年沈五判官

數載天涯別年來不定居扁舟忽相值孤抱信何
如公幹猶多病奉孝先仍懶書自謂人生從坎壈客
意且躊躇淺薄市橋酒鮮肥江岸魚可來同飲食
勿笑此蕭疎

沈遜奉和

一自曾經別于今嘆索居美交思柳惠多病是相

如官下頻無况天涯每得書舊懷長宛歎此會合
踟躕曉露生蘭苑秋風歎鱸魚蕭然林野性與世
轉為疎

洛陽九老祖龍學文集卷之一

洛陽九老祖龍學文集卷之二

七言四韻詩四十四首

和御製賞花釣魚時為中書舍人

禁籞春深御幄開，鳴鞘曉出五雲來。
花含瑞色三危露，酒湛晴光萬壽杯。
香餌得魚波滉漾，仙音儀鳳日徘徊。
微臣叨竊逢辰幸，待蒙甘泉此從陪。

九日陪舊叅政侍郎宴潁州西湖

秋晚西湖勝槩多，台軒來此駐鳴珂。
沙鷗散去鶯絲竹，烟柳底垂間綺羅。
亂擲金錢和露菊，狂搖鈿

扇倚風荷下僚幸接曹尊末率爾翻成擊著歌

讀王元之後集題于卷末

其集三卷皆出黃州後所作詩

提筆幾回書誥命剖符長是守方州未能抗表分

司去五閑詩又題云何當終老為郎謫宦體歌舞

懶呼寒食節寒食論郡客詩云歌舞懶呼醉吟孤

坐月波樓酌送殘春春又接邊白鳥馴獨文章獨

步成何事獨步異日垂名不朽章空有離騷寄隱

憂

寄獻闕下一二知己

公道當朝絕比倫因憑暖筆變孤根終衝散雪游

梁苑便逐風雷化禹門南郡已甘拋絳帳東州何

幸佐朱幡心懷象魏身江海兩地悠悠欲斷魂

歷城郡治凝波亭齊州

眈眈層高宗御諱俯清漣山色波光曉共鮮形勝增雄齊

十二風流素盛客三千鋪舒柳影眠鷗渚欺壓蓮

香載妓船公退每來須度日塵纓未濯愧潺湲

留題泰山孫復先生新居

築室新成日觀前亂雲重疊補高眠人逢捫蝨驚

旁若衆望乘駒咏賁然名理靜設誰捉塵古書閑
校自磨鉛行聞天子東廵守羽葆親臨此禮賢

試筆

濟南通守歆幾年最課無成愧古賢却為簿書拋
筆硯每思樵釣負林泉浮名自信雖徒爾薄俸相
拘且勉旃已共妻奴約生計會須搔首賦歸田

監丞蕭君見貽嘉句仍惠芳醪強率鄙詞
輒繼高韻聊資適爾深愧斐然

遲日和風婉婉春感時情思浩無津煩君遠寄中

山酒顧我方為落社人濡筆便思題素扇當樽難
惜吐芳茵已欽才妙兼懷惠相遇文場願捧輪

寄泰山孫復即明復也

先生心與白雲閑五十秋風鬢不斑自有清名滿
天下更無塵跡到人間朱金樂外非悠好貪懦聞
風合厚顏不待高吟見招隱見收餘俸買青山

蕭五監丞新作堂成名曰知雄且賦彫章
題之屋壁勉率蕪慙以繼高韻

况堂佳號塵游外題壁新吟藻思春朴素自恃師

老氏清醒常戒鑿靈均窮通一致由知命恬智相
須合入神目覽君詩我顏厚不能假日樂天真

贈牛仲容

吾君吁食念邊陲天下英雄待聘時仁義未行真
處士功名不立豈男兒卧龍誰識南陽隱失馬何
勞北叟悲生嘗求薦莫向林泉賦長往秋風吹子
鬢毛衰濟南不利

張寺丞鳴玉亭書事

為憐瀟灑近城闈來往何曾問主人列岫曉昏雲

郁二流泉秋淨石鄰二陸機詩就伏招隱班固文
成正荅賓愁見面風日將暮却驅羸馬入埃塵

庚辰清明州衙不送新火

禁烟故事存遺俗改火平時有舊章縱道齊民皆
按堵堪驚烜氏昧修方晨炊已絕供賓饌此缺不
似前年為客日富鄰猶許借餘光

赴任南康將經九江游二林先寄交代閔

屯田

平生山水有心期今得軍麾慰所思我欲因行訪

蓮社君應未訝遇
瓜時若逢勝槩終朝性兼領閑
僧到處隨莫遣迎新吏人至雲閑泉畔不相宜

送交代閔屯田赴闕

謝公雅尚廉侯政兼得如今不可加自有經襦歌
道路長驅旌旆訪煙霞林僧解誦松牕句廳吏能
封竹檻花今日北轅堪健美清風留與後人誇僧
房留詩云庭種花甚多

琵琶亭

晚泊湓江半客舟琵琶亭下動閑愁霓裳腰綠香

何許楓葉獲花空自秋賈傅有才悲鵬鳥楚騷終
古怨靈修莫言司馬青衫濕今日行人亦涕流

南康春日

慙愧東風破牖來一樽清聖為君開無方可使朱
顏駐有客相逢白眼迴老大漸能知世態踈慵那
復計身媒遙憐伊洛冰應泮芳草還荒舊釣臺

簡寂觀

觀即陸修靜先生所居
名即先生之謚號焉

順風曾屈帝王尊身後高名與觀存石室深居廣
成子布囊薄塋楊王孫沉塵幕一疑丹灶清吹徐

觸絳旛牢落空山門畫掩羽人亦說絕囂煩梁
旋碑云止煩田簡遠

右軍墨池

羗廬峯下歸宗寺曾是當年內使居蠶紙世傳遺

迹後墨池人記作書初秋毫幾老崇山兔舊法空

觀得水魚筆勢圖云先取崇山絕似中兔毛八九

合頭若景珍重僧家能好事朱欄碧甃壯庭除

清明日與二三賓客賞花陳判官為推勘
他州事不預是會以評抵予曰次其韻鼎

之

寒日春光正好誇小筵應免負芳華清談且喜交
揮塵賭酒何須要畫蛇潑火雨餘微綠潤落花風
急亂紅斜幕中有客應惆悵今日全輸太守家

秋日天平驛書事

孤館無人慰寂寥感時情抱楚旌搖從橫著物秋
散起早晚連空殺氣消衰鬢已同番騎省壯心猶
羨霍嫖姚誓江義勇吾家事不得提戈靜虜妖

濟上夜泊寄杜秘校

十幅蒲帆一竹篙隨流逐浪我心勞幾程烟水秋
光遠半夜星河天氣高正想黃陂何遜、可憐禹
瀆更泊、猶欣明發諧相見願奉清言散鬱陶

經劍池

皇祐元年八月梅日題詩以
秘書丞為廣東提刑經過

巧冶何年百鍊金剗鐘芒及此湮沉氣冲牛斗雖
難掩鑿遇張雷始見尋恍惚莫窮神物遠波瀾空
在曲池深鈿刀也強思磨拭悵望西山與華陰

送春長句呈李泰伯

時在袁州

盡日臨風把酒卮宜春臺上送春歸已看綠樹陰

陰靜猶有殘花帖、飛歲月任從隨手過功名未
必與心違我綠客官無常處後會如今亦恐稀

送潘革陽

河陽苗裔有英翹年少聲名動帝朝月桂我欣同
賜第澗松人借此沉僚金牛開道秦川險竿馬來
賓漢使遥想到刀州遇知己便從平地上煙霄

微子廟

億兆夷人困猶夫惟君先見得良圖為仁始欲扶
商詐去國終能啓宋都鉄鎖豈甘因諫苑鉗鉗仍

免作官奴千年廟食應無愧知退知止即聖徒

寺有四絕一曰靈巖予以赴官獲此稅款

因賦拙句用誌其行

常想靈蹤得到難曰回征轡此盤桓松風逗磬僧

齋冷石水環空客夢寒聖祚自同堯典布寺有偃蓋松白

鶴泉及藏太宗古碑猶是魏朝刊最憐山色當接

好款去重來一凭欄皇帝御製御書

贈商水連尉同年

塲屋相知最有情去年同試便同榮神仙名籍輸

梅福典冊文章滯馬鄉泣玉淚收休積恨擲金祠

在藹新教公卿好致歸臺閣莫遺徒勞浩歎生

次韻和訓張統秀才見寄

傾蓋相知分不同遠憑郵置枉緘封題評祇益煩

更品刻畫何曾補陋容綵服待行君得意朱轡假

守戎勞悰予方權領任事論文未遂西齋約早晚重親太

携鋒

明水鎮水陸禪院

誰卜精籃若畫屏四邊山色與泉聲野僧慣見心

應樂俗客偷來骨亦清
晚吹乍回香篆破曉雲
總散蠟燈明吏人莫怪
徘徊久自得閑情減宦
情

龍圖范給事以禪服向
除修治堽城就山築室
因尔書懷俾無擇繼和
謹此用其韻

采：陝蘭負養親幾思
定省泣晨昏三年已畢
先王制晝日將承聖主
恩名遂自同周柱史諫
違註記魯臧孫考槃在
澗雖云樂祇恐泥書到
遠村

田四秘丞通判鎮戎軍

身紆茜綬朝章貴手把
芝函帝命新方朔上書
曾

自薦初吳外舉果知人

公前年應籌決勝科今為侍讀季侍郎保任被召試

策入等遂領此命往西北用兵運籌暫逐征西將持橐看歸拱北

辰我亦潛心禦戎策羨君抗旆擁朱輪

官况

物態無端固盡語自為俗吏欠清譚
豈憂官况全蕭索祇畏人言足
二三玉勒已辜尋晚陌錦鱗猶
憶鈞秋譚公餘自逐踈庸性
從道嵇康七不堪

哭鄆州孔給事二首

出入多年侍紫宸封章頻上觸
龍鱗杼投幾見疑

慈母檻折終聞記直臣闕里忽驚歌曳杖洛陽那
復見埋螭師門一慟盈襟淚痛為明時惜正人
聖孫家世嗣衣纓孔子當朝有令名許國志堅存
亮直致君心切贊隆平明庭抗疏忠言在列郡班
條惠化行不享永年兼大用終天遺恨負蒼生

夏州叛

羌虜奸誅軫聖憂出師十萬擁貔貅朝庭命將詩
書府廊廟論兵帷幄籌舜后舜干期振旅漢臣投
筆待封侯宣王六月存周雅願繼微散頌國猷

寄澶州孫司理

明道二年同夏課四人兩舉盡登科孤寒惟子辛
勤甚虛薄伊余忝竊多宦路驅馳今各自名場出
處舊相遇感今懷舊無慘賴不覺臨風發浩歌

送孟湘虞部赴闕

科名拾芥職三虞落、雄才與衆殊為政人驚今
遂霸論兵自比古孫吳倚廬已自因心著公近居
喪哀毀先大夫
過制喪哀毀結綏還陪辨色趨不似馮唐空白首漢皇
今正渴嘉謨

送劉進士游邊

朔風動地雪花明去、從知指戍城塲霍夫縻千
里驥食魚翻嗜五侯鯖征途望斷河水合族館吟
殘海月生且共淹留話離索一樽濁酒為君傾

同年楊允作尉楚道兼領勾稽之任賦七
言四韻以送之

縣城荒僻民居少吏事全稀似隱淪且喜桑郊接
鄉樹莫嗟藍綬染京塵鳶棲豈合淹仇覽仙骨應
難滯子真好在公餘頻寄問我方江上學垂綸

宋嘉言雅善飛白一日書八字賜予因成
長句謝之

輕如游霧重如雲學到精微妙入神奇述昔年傳
堊帚高名他日壓烏巾誇呈朋友防求副留教兒
孫恐失真天子清閑好揮翰似君須合侍嚴宸

送韓尉員外

幾年獻賦向公車四十方為冉冉趨昔競寸陰終
蹭蹬今貪斗粟尚踟躕潘郎毛鬢者將白陶令田
園說已蕪官滿還歸省門下預應搔首重長吁

題魏野園 陝府

曉日東郊扣隱扉
初日弄朱旗黃梢風舞先
生柳紫頰霜殷
鳥閑切赤黑也
大谷梨粉艷清
歌穿邃閣碧溪寒
韻落幽池
我來載酒山翁醉
且喜秋香菊滿籬

謂王安石乞司分西京避諫而去因以述
懷

割斷攀緣宰相權
憂危爭似我身全
試觀竿上拋生體
且擬波中戲釣船
名利不求還猶樂
是非莫

辨祗高眠何當對景幽
堂坐更得閑吟度百華

洛陽九老祖龍學文集卷之二

洛陽九老祖龍學文集卷之三

五言四韻詩四十二首

題三教圓通堂

其堂在夔州開元寺內龍學時知制誥

師本佛之徒
潛心老與儒
一堂何所像
三教此焉
俱香火長相續
丹青久不渝
高賢旌好事
二記聳龜趺

馬上讀韓吏部集

驅羸勅遠征
尺箠亦慵擎
却得開編看
仍教縱轡
行儒推文暢
行詩許孟郊
鳴盡日
眈遺味
渾如挹

大羨

至齊五月兩院獄空喜而成詠

厭預鈴齋議欣聞獄犴空三章閑舊制五月紹遺
風止繫垂衣治非干別駕功惟期四海內刑厝與
周同

眠後于清偶書四韻寄示幕中賓客

經旬一水湄風土化緇衣豈敢嗟于役何當賦式
微雲山晴特秀花木暖相暉期子同携手春游事
勿違

齋中即書事

南事

軍累無多事朝晡且放衙吏人如野鹿公署似僧
家京信因求藥賓權為鬪茶亡懷塵俗外枕藉抵
南華

羨先生廟

先生高世跡舊隱白雲深結字知何代遺祠直至
今地分杏壇影門接社蓮陰我亦希風者終朝託
玉岑

贈廬山崇勝珂長老

珂也僧中秀曹溪得祖衣雲泉聊適性餅錫遂亡
歸九月秋風老千山暮雨霏我來陪靜語相對兩
無機

送承澤上人歸寧富沙

五老峰前見過從一歲餘還將隨客棹歸去侍親
輿乞食注雲際牽吟臘雪初祇因清夜夢時復到
羗廬

酬江西運使齊工部見寄

龍段彌年別茲仰道風夢曾詹使節喜忽得詩

筒詞藻春林秀恩私地鎮崇因將示知者傳誦滿
江東

游韶石

純音何寂寞秀色自崔嵬岩草遺簫在溪禽學鳳
來余希探禹穴人似畏軒臺登眺秋風裏煩襟盡
日開

吏隱宜春郡詩十首

以太常博士直集賢院皇祐五年知袁州

吏隱宜春郡年豐獄訟稀餘糧委南畝茂草滿園
扉天意憐艱食民心耻盡衣萬家行樂處車馬有

光輝

吏隱宜春郡春山若畫圖
纖鱗時自躍幽鳥靜相
呼曉浪噴寒雨晴嵐鏤
綠蕪漁樵本吾事搔首重
踟躕

吏隱宜春郡追惟二相賢

房瑄李德裕

節明天寶日業

茂會昌年友善曾何累朋誣亦自煎

瑄坐與李適之韋堅等善

賤宜春太守德裕為王蟠李漢等所誣貶為宜春長史

不才非不幸異代若

差肩

吏隱宜春郡閑思應舉時
端居若貧賤徒步入京
師誤寵乘軒鶴釣憂入廟
犧功名在何許雙鬢已

垂絲

吏隱宜春郡鄉園去路賒
問官成客宦荏苒度年
華出水魚吞餌辭山鳳在
笈誰言千里隔夜：夢
吾家

吏隱宜春郡同僚得俊髦
純音等疏越餘及劇豪
曹器識青雲遠歌詞白雲
高遂令遷客意不復賦

離騷

吏隱宜春郡山城少客過
靜中窺物理閑外養天和
春暖尋花塢宵涼翫月波
將迎者誰子勞逸兩

如何

吏隱宜春郡放懷詩酒間未能慙下俚幾欲効中

山杜甫藩籬窄

尤積詩杜牧之優劣六季尚不能歷其藩籬况堂與乎

劉伶

幕帟慳高吟興沉醉榮辱詎相關

吏隱宜春郡窮通懶更名矜名遭功譖晦跡喜深

潛昔慕狂為聖今師智養恬優游無一事不覺歲

時淹

吏隱宜春郡素飡誠有餘政聲慙遂霸文藻謝嚴

徐便節分銅虎仙廬秘石渠君恩殊未報不敢治

歸歟

題紀信廟

漢祖臨危日將軍獨奮功一身雖自詐萬古盡言

忠樹老風教溢天寒景色空我來觀廟貌無語對

村翁

昇州保寧寺鳳凰亭

亭舊有亭中廢已久今長老承泰建此

鳳臺雖舊址亭榭斬新開荆棘榛蕪去江山氣象

來明君虞氏化賢守此公才遲爾離丹穴飛上

此臺

時龍圖葉起居鎮金陵

留題女郎臺

女郎臺上寺：影蘸湖光夜梵星辰近晨齋鳥鵲
忙烟滋楊柳綠風送芰荷香歆下還慵去憑欄到
夕陽

春郊即事

東方驅曉騎南畝勸春耕試與牧童語
名雨前茶正小社後酒猶清可笑豚蹄祝簪車望
豈輕

送李丞知京兆司錄

總從知己薦公近以知己又應辟書行今知府天
辟公領廷尉官聯重軍謀職任清華嚴春野秀紫
是任閣晚嵐橫盡是供吟處歸應新集成

送宗寺丞通判邛州

半刺侯藩重臨邛驛路賒將經灞陵樹先看洛陽
花土物張騫竹民封卓氏家為君傷遠日日斷
裊斜

秋日感懷

多病多愁容新秋百感生異鄉違土性孤宦見人

情案厭留燈讀田思帶雨耕不堪臨曉鑑潘鬢二
毛成

寄潁州兄

川陸一千里炎涼六十旬意通書信少思入夢魂
頻身外宦情薄眼前人事新祝兄無見念憂道不
憂貧

舟次張澤阻風

舟楫雖佳興風波即畏途我心何所懼世路此無
殊銜泥千艘泊爭頭萬怪趨飄然不終日揮手謝

淳沔

寄題漢州西湖兼簡知郡馬屯田

房相留遺愛清風河水長人思俗池鳳誰識濟川
航白雲徽音逮太尉善洪鈞道化光還聞繼高躅
新有召公棠

寄千乘劉殿丞求字人編

千乘劉夫子高名繼謫仙從居庇身邑已着字人
編才入鍾嶸品文期鄭氏箋何當求副本長願播
斲弦

寄信安判官張秘校

蓮幕從軍客蓬山典校人才章過鮑謝交契敵雷
陳婉々謀畫暇翩翩書問頻徒知感高義猶阻奉
清塵

泗水

紀地復涵虛清疑顛氣俱東家遺教遠夏后建功
殊冷色平吞魯長波迥勝吳闕兩句

沈康赴江西掾

高譽冠時英人皆倒履迎決科材尚屈掌獄職仍

輕滕閣吟登健吳山最望清公餘如訪古一為問
豐城

張唐民下第東歸

學古功非淺干時命尚迤拾青辜壯志垂白念慈
親歸路天同遠生涯世自貧吾知君道在未達莫
沾巾

送人作尉臨潼

年少文能老新曾射策來從橫傳古學慷慨濟時
才黃綬官徒爾青雲志在哉他年歸會課遲子出

塵埃

書懷寄呈萊州張學士

從作東齊吏經年寡往來朱顏隨日減青眼為山
開學政慙能政論材信不材何人慰孤寂知己在
蓬萊累辱書問兼
賦筆詩故云

萬太博知惠州

惠州君未到聽我送君吟去路九韶石鄰封八柱
林下車秋色老望闕海雲深善政多餘暇無忘惠
好音

送新州陳式虞部

大庾嶺南郡新興事若何還珠合浦近辟惡密香
多主聖天如覆時平海不波更逢賢太守應有袴
襦歌

送蓮房與馬屯田

問遺不必貴要之資闕如蓮房三百枚乘擬亦云
初持以侑尊酒甘香即有餘野老獻芹意今予其
有諸

題安成劉伯玉日新亭

積善家餘慶日新亭可云詩書盈机有道藝喜時
聞兒侄既登學晨昏在克勤欲知榮地力此便是
青雲

寄成都詩人謝希濤

常聞游蜀客來說謝希濤氣稟江山秀名因翰墨
高新詩來自遠去歲得詩三十首密意念空勞拙句聊相
贈應煩報錯刀

洛陽九老祖龍學文集卷之三

洛陽九老祖龍學文集卷之四
絕句詩二十六首

秋曉寓目

梧桐冷墜秦宮井
沆瀣光浮漢苑槃
倚杵遠天垂
六幕照梁初日上
三竿

鴛鴦

水宿雲飛無定期
雄雌兩々鎮相隨
到頭不會天
何意却使人生有別離

後池新柳

容來莫怪寡心情俗吏喧譁不喜聽多感後池楊
柳眼一回相對一回青

歷城春日對酒 齊州

數尺游絲拂面來教枝紅杏向人開眼前信美非
吾土且勸春風酒一杯

戲別申公堂

翠柳和煙籠碧沼紅芳如火照諸鄰主公敬去寧
無戀倚翠隈紅屬後人

汴水即事

波狂如箭雨如絲汎汎扁舟瞥鳥飛睡起謳鷓乍
鳴櫓却思村舍聽鄰機

澄清閣

在楚州

范滂雅志在澄清今日廉車命閣名華榜高標雖
其美奈何長自困蒼生

贈江州李虛一司戶

官况蕭條三語掾地居卑濕九江城曾聞漏夜開
宣室早晚君王召賈生

劉仙石

在江州太平興國觀

神仙不死石常存萬古千秋表洞門人欲求真好
修煉莫徒將杖叩苔痕

又

支機莫問君平肆取履誰修黃石祠深洞自開人
不見何須惆悵憶當時

交代屯田遠惠書門紙尾批示若就江州
至軍兼可腹背游覽廬阜因成拙句且答
佳意南康軍

廬山在境好修春猶恨竒峯半屬鄰腹背徧游煩

示諭即當先謁落天真

將至南康道中

湓江輟棹整駢松路揚鞭入翠微好仙近郊人
侯望紛々羽服與田衣

招二三僚友游廬阜

雨餘廬阜連天碧公退鈴齋盡日閑為報二三佳
客道速須蠲屐共登山

游栖賢

偷得沉迷簿領身暫來林下訪幽人雲泉滿眼慵

歸去便擬拋官學隱淪

歌者李蘇、齊州

歌妙纍、若貫珠歷城惟祇教蘇、向當更唱陽
春曲為爾今宵倒玉壺

過渦河

揚鞭策羸馬橋上一裴回欲擬臨渦賦慙無入斗
才昔曹子建臨渦
作賦書于鞭上

馬上口占

前年躡屩念歸歟今日乘軒類使乎千里班春憂

寄重自慙翻屬箇非夫

登泰山簡同行

日、塵中眼不開暫登蒼翠喜游陪莫辭辛苦經
難險大有人生不到來

又游靈巖

紅塵滿馬三回到青嶂迎人萬疊開却被野僧相
顧笑區、還時暫時來

次韻酬陳判官見貽

一篇為惠枉瑤封疑得仙文自藥宮始信夫君才

力大居然天地入形籠
陸機文賦云籠天地于形內

周咸職方笑臺

賈生太息唐衢哭感事傷時可奈何
舜日臺頭大笑樂天和
似君當竟

感事

東家木鐸德音遠西竺金人像教來
禮樂不興王道絕吾民何日遂康哉

題蔡州壺仙觀

龍學四月八日游蔡人每歲于是日來集此歡賞游戲在城北十里許有仙榆數十株亦名大木觀

罵老花殘遇禁烟杖梨閑步到壺仙
家本是無塵地別是風光一洞天

聚為九老自詠

龍學因分司西京御史臺與司馬溫公
九人為真率會謂之九老

科名高厭玉堦前歷任公卿四十年
休道老天無事業兩扶紅日上青天
英宗皇帝即位龍學克皇帝即位契丹皇太后國信使神宗皇帝即位是時龍學為開封府大尹

題蔡州東湖

夕陽水底霞鋪錦
清夜波心月湧金
此是東湖最佳處
無人來伴水仙吟

咏蠶兒

千絲萬縷自經營
本為藏身却誤身
待得功成歸鼎鑊
不知輕暖屬誰人

洛陽九老祖龍學文集卷之四

洛陽九老祖龍學文集卷之五

唱和詩一十五首

歐陽永叔送龍學赴陝府酌飲贈別

明日君當千里行今朝始共一樽酒豈惟明日難
重持試思此會何嘗有京師九衢十二門車馬煌
煌事奔走花開誰得屢相遇盞到莫辭頻舉手歡
情落寞酒量減置我不須論老朽奈何公等氣方
豪雲夢正當吞八九擇之聲名重當世少也多奇
晚方偶西州正事藹風謠右掖文章煥星斗待君



歸日我何為手把鋤犁汝陰叟

龍學次韻和

前日西行別翰林為我開樽飲之酒高冠滿座皆
賢豪設笑喧呼時各有自慙流落䟽游陪十載江
湖成浪走主人各重聞四夷典冊高文推大手發
揮六藝無遺精攷黜百家如拉朽顧我昏冥聞遺
晚代謝春秋四十九當年繫節做金注此日強顏
同木偶事功未者成尺寸廩祿惟思校丹手會須
歸去老東坡鼓腹含飴逐堯叟

旻奎長文和

陝郡太守來告別翰林主人為置酒急喚尋常詩
酒伴要誇此會為難有席間騁辯何快哉恰似縱
九臨坂走詼諧往々笑絕倒同異時々嗔揮手共
憐竒偉出塵冥却歆昏愚浪枯朽從來豪舉必兼
色擊節齊侯容九々我實鄙鈍不曉事賢公采取
寧非偶擇之文行衆所珍昔者乘槎犯牛斗年將
老矣又分符莫遣安排用莊叟

劉敞原父和

驪駒在門且勿喧主人留客且進酒一時轉盼已
陳跡千里相望更何有祖侯毅名二十年天下英
豪共奔走誰云白髮寄卽曹更喜朱幡入吾手揚
雄天祿就寂寞召伯甘棠變枯朽乃知人事不如
意自古日常有八九男兒何曾計出處時運由來
有奇偶莫嫌青雲晚著鞭會取黃金大如斗君能
日飲和天倪餘事無何付北叟

范鎮景仁和

史君分陝惜別離緩聽長吟速行酒荆山北面黃

河南千里封疆為已有往來無窮西復東袞々輪
蹄利名走甘棠雖云勿剪代未必從何不傷手當
時遺愛安在哉賴有毅詩傳不朽擇之才及如新
研歷年何啻十有九胷中蘊蓄富術業此行直欲
有人偶近世只知厨傳為不顧虛名似箕斗寄言
道路如采詩但問樵夫與樵叟

江休復鄰幾和

西掖門外駐征軒脩書院中傾別酒諸公磊落方
具來顧我衰遲亦何有祖侯銜使才北歸亟請甘

崇復西走函關侯吏齊引領翰林主人惜分手高
談祇掌華屋頭賦咏題詩樂難朽飛觴舉白至無
筭擊揖誓清不殮九着鞭壯士寧後時隱居先生
仍喪偶擇之去定國能飲動論石山公雅望潛增
斗紛冬悼也醉袂影就判悵悵高陽一狂叟

梅堯臣聖俞和

古人相送贈以言今人相送舉以酒行慙慙意
豈踈酒罷躊躇悲更有行當何之來者誰陝州兵
吏爭迎走壺漿往過函關翰林惜別方携手自

言老夫遇知難願得公詩為不朽公曰索筆作長
謠落寓言誠十九我慙竹管厠宮懸縱合律度
應亦偶太守西行已不貧忽獲明珠盈大斗歸立
螭頭未是遲暫向陰問道叟

龍學題袁州東湖盧肇石

袁山之陽秀水側草履遺基誰是宅皆云子發其
姓盧往以文章名藉宅中舊物何所存惟有嶙
峴一區石潤終三尺高倍尋常卧沙塵羣瓦礫余
心好異同獨往不馬環觀聊拂拭地表可見十二

三已足，怪駭動魂魄。呼王運，揮灑其旁，挽以長安。
百夫力着，然鼓譟登大車。恍爾如蒙，巨靈擘選，置
東湖最佳處。四面沉波映天碧，倚空突兀無與隣。
頓覺亭臺增氣色，穹環幽竇莫敢揮。恐有乘龍飛
霹靂，余常南游到陽朔。衆峯矗矗，春笋直捫羅踏
蘚窮之。遍若此奇車，曾未識郡人奔走來如雲。故
老驚視復唧唧，乃言此石遇真賞，屈指今年二
百沉埋曠代誰。爾珍一日光，價逾荆璧。嗟余束髮
大夫後，區區志尚惟孤直。十年再謫，非不窮猶慕
堅純無改易。如何故老不我意，感物再三形嘆息。
石不能言，人有言。勿使他時重湮阨。

宛陵梅堯臣聖俞和都官郎中

胡公踈示揮之廬石詩，因和之。

袁州太守蓬山客，來過廬家尋怪石。廬家百物今
已空，唯石難移留舊跡。埋沒尚存三四分，雨淋日
炙如皴散。太守惻然呼健兒，荷鋤秉耨爭來後。健
兒掘土不為堅，旋剝沙見圭。隙漸奇，漸異人忘
勞。更索更深知幾尺，高峯削出高華骨。虛竅鑿破

蛟螭額千指曳繩亞四輪擊孤助力歸東陌東頭
湖水傍黃泥洗盡何蒼碧故宅愈冷東湖喧貴賤
競觀無碍太守隔自憐堅直心愛少增多屢遭謫
南至蒼梧及桂林名山遍訪無窮辟所宜厭慣不
入眼向此歌吟尤愛惜我思永叔滁陽時大誇石
翠菱溪獲作詩遠寄子與蕪高唱相隨無節拍今
知賢人趨向同玩好託情亡俗格建康從事胡公
踈一見詫君如李白雄才落筆瀉天河綴韻孤清
仍險窄入探虎穴誰為難辟通造化方能敵殿後
吾雖膽力強獨鞭疲馬終無益

樂安任大中和

宜陽刺史才祖擇之雄傑大旱雨一方盡使焦枯
話公退亦高深水石探其絕長江北岸林唐有盧
子發曾居此林下馬把簪組脫歲遠成荒墟佳名
詎泯沒有石數尺長猶是舊時物沉辱泥壁久賢
百堅重節擇之渡水見力為心慘切萬夫一呼聚
曉動散揭地嶮若驅來 巖空俱震裂幽輔郡東
潮脫得太華骨白玉漏纖紋雨頻為藻刷草蔓漸

盤繞柳絲密揮拂潤恐散迸泉怪亦有奧穴安知
無蟄龍時見微出幾回牽夜吟簾曉捲殘月氣
暗逼人寒蒙朧未苦別烟重風捲開獨立勢突兀
蘇武見單于傲睨腰不折人皆畫將歸手筆恨粗
拙擇之豈不賢天涯避諂舌對此憂足忘我觀未
甚悅不得見媧皇願天無破缺

廣陵蕭元宗和

石是人非世所傳宜陽城郭古山川和光瓦礫曾
無累委積泥沙質有年地辟久為神物護時來方

遇使君賢介然作鎮東湖上德政何當向此鑄

盱江李泰伯題袁州東湖游堂呈龍學

古郡城池已枕江重湖更在郡東方水仙座下魚
鱗赤龍女門前橘樹香路絕塵埃非洒掃地無風
雨亦清涼使君待客多娛樂只有醒時覺異鄉

又題袁州宜春臺再呈龍學

謫官誰住小蓬萊惟有宜春有古臺千里待看毫
末去萬家攬作畫圖來雲中羅綺香風落月底笙
歌醉夢回莫怪江山苦相助騷人沒沒得真才

龍學和題東湖

晴煙翠歷沒湖光勢勝居然占一方
拂水萬絲楊柳弱倚峯千蓋芰荷香
縱游閑泛蘭舟穩半醉狂眠石席涼
公退每來須度日却疑身出利名鄉

又和題宜春臺

異鄉何處散幽懷賴得城中百尺臺
還向天涯經歲住那知春色為誰來
雪消江上看梅發風暖衡陽有雁回
強擬登高聊賦咏再三愧乏楚人才
洛陽九老祖龍學文集卷之五



洛陽九老祖龍學文集卷之六

唱和詩三十九首

題尚書余襄公西園

尚書余靖在韶州居龍學時為廣南東路

使轉運

臺閣清風正凜然歸休車騎曲江邊及親已具三
牲養負郭新添二頃田萊子長年榮綵服衛公雅
意樂平泉官閑道在心無悶推惜光陰事簡編

尚書余襄公靖謝都運擇之見訪西園

初聞結駟訪幽齋拂曙呼僮掃綠苔方愧蓬蒿開

徑晚已經騶馭過江來林間載酒情偏厚門外回
舟事可啗交泰于今易離合感君篤舊重徘徊

題余尚書山居要術

張衡已作歸田賦記勝仍修種樹書願借山居精
要術欲將蒿洛葺吾廬

尚書余襄公答都運擇之借山居要術

經濟諒周當世務收藏敢秘老農書相逢莫羨山
居好歸去蓬山有直廬

袁州慶豐堂十閑咏

皇祐五年十
月二十一日

吏散鈴齋掩閑眠到日斜無端是春夢容易逸京
華

鄭叡良可厭閑抱七弦琴欲識調絃意理人先理

心

年長身多病閑鈔已試方未甘先犬馬畢命報恩
光

青山日相對閑看白雲生誰謂無心出中含濟物
情

曉按三盃後閑烹北苑茶色香俱絕品雪泛滿甌

花

扁舟賓客少閑作道家裝跡靜心還靜逍遙覺日長

雨霽輕埃息閑吟面曲池游鱗時對擲雙破碧漣漪

朝來因試筆閑答故交書莫怪音塵絕吾心與世疎

漸老無功業閑思惜壯年桑榆如有得猶可勒燕然

晴軒足清趣閑興鶴開籠寄語北山侶無驚蕙帳空

袁州通判陳詵和十首

時豐公事少筆硯任橫斜環郭江山秀人情等物華

有象堦前景無叢膝上琴何勞分鄭衛視聽不闕心

窮谷寓形久慚無問俗方文章古刺史謂韓愈今昔竊餘光

穢草誅還密浮萍去又生輒污如鑑靜有容若為
情秀泉開舊梵初試仰山茶寂々有餘意池蓮三五
花園涉日成趣窮詩懶綴裝梁間冰雪可屈指歲華
長洗竹遙山出踈泉到曲池可憐波萬頃龜勉對淪
漪道院今猶古閑中事可書鷺鷥馴不去誰可得親

踈登堂方再月已許慶豐年偶繼前賢跡承流頗裕
然鴻鵠遠矰弋魚鳥脫池籠始覺一無物方知萬事
空

江西運使闕珣謝擇之學士惠示吏隱宜
春郡十詩因成五十六言奉答

達觀終知世事勞利名都是一鴻毛登瀛自有仙
游樂緩帶何妨吏隱高深意疢民躋富壽正辭華

國聳英髦搏風九萬期鵬翼且傲松軒弄彩毫

龍學和閻運使以詩見獎吏隱宜春郡詩

狂吟何足語風騷和寡甘降郢唱高敢望與言同
子夏競推多可是山濤九成豈後虞韻美一字終
虛魯史衷自笑潢汙不盈尺猶將學海去滔々

李恭伯送春絕句一首呈龍學時在袁州

宜春臺上送春歸淚滴金盃不自知懊惱黃鶯解
言語飛來唯見落花枝

龍學和

九十日春今日盡送春何況我偏知後期應在經
殘臘重探梅開雪裡枝

吁江李恭伯送春絕句二首寄呈龍學

建昌人也
時在建昌

去年春盡在宜春醉送東風淚滿巾今日春歸倍
惆悵相逢不是去年人
東君此去幾時來雪裡梅根待煖迴莫似仙家寥
落甚蟠桃千歲始重開

龍學和二首

憶時相逢甲午年與君同賦送春篇等閑又見春
風老更捧新吟一惘然

萬樹紅方落漸稀浮雲能得幾多時孤根未識陽
和力春去春來兩不知

龍學九日登宜春臺

落帽佳辰又到來黃花爛熳為誰開已經多歲衰
容改更被無情急景催取次盃盤湏盡醉隨宜歌
管任頻陪却慚未報君恩厚空向山城養不材

是日招郡庠職事同登宜春臺兼賦詩鄉

貢進士直學宋攄和

登高佳節喜重來會客依隨五馬開帽落秋風隨
意適盃迎露菊趨時摧東籬幸有主人席絳帳那
逢上客陪時李泰伯預也欲報君恩語歸去不妨尊酒論
文才

鄉貢進士教諭羅誥和

九日經年一再來不妨吏隱遣開懷時豐訟少欣
多暇秋晚花黃儘任催幸遇登高筵宴樂喜容落
帽客追陪預愁詔入三公去芹泮誰思樂育才

詠震山巖彭徵君釣臺

彭御名雲宜春人力學多通尤善講易陰

陽圖緯無不精究注通元真經辭理深
遠世所推重隱居不求聞達唐天寶中
刺史李璟以其名聞上遣使者齊延丘
以蒲輸徵之凡二往始至玄宗歿官之
徵君辭焉堅乞歸鄉上元二年六月卒
年六十三葬東原有釣臺在震山之前
本朝皇祐五年九月二十日休暇龍學

與郡僚游震山巖因以咏之震山離州東
十里釣臺本一巨石紹興己未季春雷轟
石斷

閑作山城吏隱居散君真逸寓漁磯臺前巖畔清
風在尚想煙波映芰衣

通判陳旸和

東有徵君真逸居有臺可釣傍漁磯志高不在魚
并餌回笑滎陽血染衣

京兆章友直和

巖日更號震山居臺上猶存舊釣磯一派滄浪真
隱處澄清尚可濯塵衣

盱江李泰伯和

此臺幽隱傍溪居小小巖陵一釣磯天寶詔雖搜
逸切辭官歸服芰荷衣

洛陽九老祖龍學文集卷之六

洛陽九老祖龍學文集卷之七

長書并記書一記九

上安撫張雜端書薦孫復牛仲容

初任齊州通判

居官十有一月作此書

九月十三日承奉即守大理評事通判齊州軍州
兼管內河堤勸農事階緋祖無擇謹傾竭愚慮撰
書再拜獻于安撫雜端執事無擇竊謂國家修戒
備設民兵雖我朝之新製實前代之遺法若即若
縣其守宰之才者皆足集事今國家擇賢于臺省

以為安撫者非直為修戎備設民兵振其綱目而已蓋將以察官吏之能否詢民事之利病然後絀陟而更化之也伏惟執事廵按京東一路自宋及齊歷州一十有一矣歷縣約五七十餘矣其民蓋幾百萬家矣某吏能某吏否執事固知矣某事利某事病執事亦固知之矣無擇誠愚而復觀之奉所事且不能知其能否者其利病者實無以告執事今無擇所知者有二人焉是皆有才而無位一居宛之奉府一居齊之章丘彼二人者常居進士

不幸為有司所擯于是予自放於山林奉符者曰孫復字明復章丘者曰牛仲容字尤包孫復博學敏行有古人風慕孟軻揚雄氏著書牛仲容博學敏行與孫復比善用兵如古所謂孫武吳起者觀厥二人之才非今之組綉文士以為進士者未審執事以無擇之言信耶待羽其二人之學之行又將信無擇之言也而後信邪執事苟求之不惟信夫二人之學之行執事既信之必將行之將行之即當請于天子曰孫復有道者可與之官賜之祿

以養于家且旌夫賢曰牛仲容有道者可與之官
假之權以臨其戎且伸其用旌夫賢足以原風俗
伸其用足以威夷狄風俗歸厚則王化有成矣夷
狄威畏則王師無征矣是進二人而王道正矣執
事儻一言而天子從則幸其不從再言之又不從
則重言之至于四五六七言之惟從而後已焉可
也茲二人者無擇而心知者也若執事所刎按未
至數州或有如孫復牛仲容之賢更冀執事函意
而博訪之嚮者執事為京東轉運無擇蒙被恩顧

實暴傳等今執事安撫京東無擇再獲望拜旌飾
心甚喜於是敢輒補比二人之名于左右以備歸
朝日為天子諮詢之實不宣無擇僭越惶恐頓首

蔡州新建學記 未第時

孔子生中國中國之人師其教者十之一二而佛
生西方中國之人師其教者十之八九四海之內
革面而夷心寢以成俗者于今百世而况都邑村
落之下橫衣髡首之伍所居如市至使庶民終身
不知君臣之義父子之愛師友之禮待其淫亂悖

送之禍生然後寘于刑戮是王道往、而絕也嗚呼不教而殺君子所不為也三代之民驩然以孝悌相養以禮義相守非家至而日見之也學校之化行乎州里也兩漢以降或張或弛何常之有化之不常則民之所守不固所守不固則去而為佛去而為佛則君雖有政不得臣而使父雖有慈不得子而畜師雖有教不得友而接歆其如三代之盛其可得邪今尚書祠部郎中集賢校理太原王公質以清才卓識為上器使來長蔡人為此蔡人作新學于孔子廟近市而陋地且甚狹邈之乃表請郡治前官舍居焉突然而高者為之講堂次後如講堂者師所仰息翼然而夾于兩傍者生徒列室而處之又有一高以習射有庫以藏書有廚以具饌有莊以出粟有圃以樹蔬有什物以備用有耕牛墾田使君是學者有求而足也且命軍事推官楚泰汝陽縣主簿劉丙掌其局事既成公親領僚屬與其生徒落之蔡人于是知孔子之教非西方佛類皆敬深刷前日所為夷狄行靡然胥歸莫不

悅懌無擇辱在學徒乃率其衆拜公之賜遂以是
辭刻于石用識所始其生徒書史屋宇什物莊牛
之數籍于學者志第列于石陰云時景祐二年秋
九月日謹記

京東路轉運使廳名記

昔日西漢漕山東之粟歲數十萬碩厥後又益數
百萬碩以給乎中都故太倉之積相回而紅腐者
繇此也今王京之東海岱之間其是乎國家受天
駿命奄宅區夏析海內為一十七路分命官以司

漕運實兼廉察統理郡國則漢之入使之權俱焉
非夫才似蕭何威如張綱能豐儲符侍而肅好則
不與是選我司勳張公即中工部馬公即中領漕
運于京東既再稔二公靜惟國朝以來膺其任者
為不少矣皆賢能有才稱去此而入居臺省毗大
政者有矣而爵氏不紀其間也乃追錄前人而次
之用刊諸石鄆之名州惟舊某年以河決徙令新
州而二公之署在焉今所追錄則斷自徙州而下
凡若干人徙州而上者蓋以觀夫羣賢爵氏森然

在目未有不稱其任矧二公之業茂績隆度越羣
賢遠甚其將去此而入居臺省毗大政在蚤暮矣
重惟二公之懿著于世也不可掩蔽則人或觀此
必曰某之言不為所部吏而佞且誣也康定二年
夏六月十日記

京東路轉運使廳刻獎諭勅記

獎諭有勅嘉臣勞也金石刻之尊君賜也夏州畔
之二年王師致討未克于是朝廷大臣外及庶官
皆思修政教出籌策幹財練士幣卒協心陳力補

綴闕漏以服乎有罪以基乎無為不敢自暇無為
于位然猶天子念邊警未徹日御而夕惕至是而

勿食未明而乃衣所以更張洪化懷來遠人此虞
舜格苗周文降崇之修文德也我南陽張公扶風
馬公以尚書郎主邦于外實居京之東屬國家有
事于西鄙二公夙夜勞躬憂思勤宣精力顧所職
在國用在民隱方今宿兵原野謂發良急苟國用
民隱之勿恤于臣節乎何有乃議校貨布經費之
贏者以資手軍須遂取千萬以獻上以克國之俱

餽下以紓民之賦歛天子嘉其然錫以璽書而褒之二公茂對天子之休命且欲流光無窮非金石刻不永即命某以文誌焉惟二公之才之任實朝廷之所賴以康也雖然于二公為小官而尚劬以事如此異日天子擢賢以輔至治二公並命為公為相必能推是心于天下則其德業銘鐘鼎書竹帛然後納諸宗廟燕之勲室以昭示後世某猶期為二公稱述茲敢不承命謹拜手稽首恭篆其辭于璽書之下云

申申堂記

申申堂者所以備燕息也無擇官于齊之六月郡政之暇思得賓客之有道者與之書而學政焉乃度地作堂以延賓客得隙地於寢室之後遂樹垣作限而高宗廟諱堂焉制不侈大亦不庳陋俯鑿砌二方池導回泉水以灌其中匝岸植雜花果樹間以怪石植藕于池之東舊有竹數本又徙數十本益之成叢既而賓客每至則引于此者古今之治亂評人物之是非有不學古而能通時事者亦見之

以諮詢其利病馬或公退客去惟看書賦詩以為
燕息之事若夫坐于堂上則有連峰在目鳴泉入
耳時々觀魚之涸聞鳥之嘯竊感魚鳥之樂幾動
之林壑之戀此其燕息之趣也居是官十有九月
天子有詔俾三十日而後歸朝惜夫將去此也因
書其始作且誌其物或曰子名燕息之堂曰申々
非取孔子燕居之義乎無擇對曰然書不云乎惟
狂克念作聖若無擇其不為狂者耶斯亦克念矣
恐後來君子未知之我以茲為過故以其說附焉

康定元年夏五月二十有五日記

知雄堂記

君子之為道也夙夜皇々不敢懈惰蘄至于聖且
賢也苟至矣又將蘄其所施焉耳為所施惟勤而
克著大休顯內光于厥躬外及于斯民光永于來
世其或懈于其始而光且有終者未也蘭陵蕭君
濬夙夜為道有君子之心焉雖內充于厥躬而猶
蘄其所施故惟自卑以處之若未有以過人者豈
不幾乎賢哉寶元己卯春以將作丞為齊臨邑明

年新故堂於其廳事之左堂故無名遂名之曰知
雄在老氏曰知其雄守其雌雄取大雌取小知其
其大守其小則實之者虛漏之不損孔子所謂聖
與仁則吾豈敢又曰吾非生而知之好古敏以求
之是矣惟君能知道之大守道之小故取老氏說
以其名其堂蓋將以道出處不忘乎知之守之
義也他日其獲用于朝廷施厥所為以外及于斯
民光永于來世信夫道之雄也厥惟君子志是誠
君子之心烏臨邑於予為屬予乃知君也詳後之
來者其尚繼蕭君之志夙夜為道而又知其大守
其小則聖且賢可蘄而至焉也苟不以其道而曰
吾不為雄而為雌不為大而為小必也懦夫者已
未可與言乎知雄之有也

彬州學記

時為廣南轉運使

皇祐五年七月彬州新作夫子廟學成太守陳君
藻移書俾無擇識其始夫維聖人者人道之規矩
學者王化之本原人道非規矩不成王化非本原
不立我國家因唐制天下州縣置夫子學以廟用

古道也。郴于湘南，人要荒之地，向之為州者，往往
陋其俗而不教之，使知其方，故舊圯毀而絃誦之
音未之，音未之聞焉。前年陳君通判是州，與太守
李君初平始謀撤故而新之，因上其事朝廷，嘉之
賜錢三十萬以助其費用，承制再拜喜，拊黃髮稚
齒莫不聞之。明天子崇嗣尊道之如此，闔境歡聲
蒸為太和，眾工効能，曉昏勗事，以亟集謀，雖肇
于李而成功者陳也。其制宏敞，尊顯為一州壯觀。
偶夫子三于殿，若王若公若侯，十與哲各視冕服。

圖六十子于廡，皆有次序儼然。如攝乎威儀，優然
如聞乎聲音。左之右之，有經有史，學者有能，用力
于斯不懈，可以變冥為昭。言具齊聖，陳君之是舉
也。郴人戴其德，曷有躬乎？矧君之自通判遷知州
事，凡四年矣，恩惠入民心也。深矣金石之刻，以昭
後人，無擇不宜，辭乃系以詩云：天下有道兮，庶人
不議；王澤旁流兮，海寓萬里；化莫先兮，吾儒崛起。
德莫盛兮，斯文遐被；惟郴之人兮，亦材而美；何揉
為轅兮，可矯為矢；孰絕其津兮，孰梗其隧；今我邦

侯兮戚然與費興陸補漏兮縻艱厥為廟學既成
兮不愆舊儀生徒既集兮率用新規勤道在己兮
廣業及時入聖之域為帝之師無曰苟取富貴兮
內以自欺遺戎邦侯之羞兮汝顏曷施誰踵其武
兮善繼勿墮惟邠之人兮無志此詩

袁州慶豐堂記

予去年春正月自廣南東路徙荆湖北路皆為提
點刑獄秋七月按部道此鼎州奉詔改廣南東路
轉運使時廣源州蠻入寇陷嶺外數州朝廷趨行

乘遽日馳二百里浹辰而達所治遠方久無事戎
備既寡糧餉不給賊氣方銳我師屢敗予不量力
亦提羸兵迫躡其後遂出境外未幾以罪移典此
州其始至也見城郭井邑在迤邐衆山之間如圖
畫屏障使人清趣自生俗慮多去郡僻簡居多暇
日小寢西有地一畝餘荒穢無人跡命糞除之為
堂以休焉公退則擁書隱几而坐考聖賢之事業
以自廣間或連賓友以琴樽相歡曰謂坐客曰昔
也委妻子而去履山川之險見危致命可謂勞矣

今也曹無事秩有祿鮑食終日不亦泰乎人雖以
為貶予不以為貶也顧無以報陛下之德為憂耳
是秋禾大熟百姓足食上下莫不悅懌乃名其堂
曰慶豐且待其說私自賀為皇祐五年十月二十
日記

唐韓文公廟記

元和十五年昌黎韓文公嘗為袁州刺史後二百
三十四年無擇實蒞此州築宮而祠之公諱愈字
退之幼孤見鞠于元嫂氏嫂卒服期喪以報德進

士及第應董晉張建封辟為汴徐二府從事入為
國子博士監察御史閔中大旱民死盈路公請寬
徵復租幸臣切齒貶連州陽山縣今在陽山有善
政既去人懷其惠生子恚以韓名繇江陵法曹叅
軍再為博士避謗分司東都遷尚書都官員外郎
判祠部僧之無良者一切寘于理用是復力穡者
衆改河南縣令將發魏鄆幽鎮鄆留止卒尹恐禁
止歷職方及比部考功郎中史館修撰知制誥初
議討吳元濟朝廷文武大臣無敢言者公以為宰

相被殺中丞傷僅免若是兵可息乎及裴度出征

公以太子右庶子為行軍司馬先馳至汴說韓都

統一名紀宣祖廟諱上一字故書其官韓輿疾以從蔡州平公謂度

曰王承宗可取乃授書栢耆以往承宗即獻德棣

二州轉刑部侍郎佛骨至自鳳翔百姓大飢膚為

奉傾京師公上疏極陳其不可回得臯貶潮州刺

史近境有鱷魚食人公以文逐之魚輒遠去人民

無患移刺袁州之民男女為人隸者踰約則沒不

得出公皆計傭子直而出之尋奏而著於令拜國

子祭酒接學官儒生必以禮除兵部侍郎鎮州亂

殺其師署王廷奏為節度詔公宣撫既行揚宗遽

之公已入矣眾皆危公辭氣慷慨如止蹈無人

之境與士卒論逆順存亡之理莫不聽命解深州

圍歸牛元翼以吏部侍郎典選聽令史出入令史

之勢遂輕任京兆尹六軍將士咸威悼帖不敢

犯日是欲燒佛骨者其為人信服也如此憲宗既

貶公于潮且將復用之為皇甫鐔所忌乃以公為

狂疎止可量移一郡故有袁州之命公自鎮州還

穆宗即歆相之會京兆尹以不治聞乃擢公兼都
史大夫有勅無臺參中丞李紳繇是不恟復為吏
部侍郎卒贈禮部尚書嗚呼公之器業可謂宏深
魁偉施于行事細大夷險無所不宜其文章博辯
卓詭與高盤周誥相上下惜也孔子沒無聖人者
為之章顯以信後世而見絀于史臣之筆其亦不
幸也歟無擇何人者道不加修學不加益夙夜茂
勉庶幾前烈謹詳書其實以著于記云時皇祐五
年冬十一月一日也

袁州東湖記

袁城之東有湖焉上有四亭興自近歲厥後為州
者耆昏不事：湖亭用不治以荒初予至州日其
處不及往者三月既而吏曹務簡登城而觀水雖
盈而其汚屋雖存而將傾延議葺之且官無羨財
苟賦于命則予不為也閱封內之浮屠民多藏者
籍其餘什之一募匠購材一皆新之別為堂亭臺
閣五植以珍木嘉果間以奇卉幽草紅蕖綠荷雜
襲波上于是游者日往焉予樂州人之觀游是好

遂署其中堂曰樂游其東堂曰廉循厓之南其亭曰休囚城之高其臺曰月抗水而榭曰采香閣為庖厨二以供賓客舊亭四皆無名亦名之在樂游之西者曰遜堂北有射棚南有石高丈餘奇秀可愛實自盧肇故宅徙焉背城而東向者曰采珠閣後有石亦惟舊廡與采香采珠皆東西相植據城之隅者曰銷暑亭與月臺相屬而差小者曰風亭其游有航其絕有梁其登有澄道其周有繚牆南北有門後溪前市山煙水風淵魚林鳥明滅

虛徐浮沉上下眺聽之際可以釋幽鬱可以道和粹予以公事不得教往放於其間或一月至再至至蓋希矣予猶以為教也越二年新太守在道予行有日矣因置酒為會同僚舉觸屬予曰湖亭雖舊而增廣之以至大備非君而誰不可以不聞于後盍文而刻諸金石乎予曰池館之作耳目之娛非政之急何足道哉然此州自江以西最為窮處故朝廷往來以有罪者居之予即其人也或終年不逢正人出于其塗非教君子相與樂此予何以

久處乎後之踵予武者其以才選而來厥職是宜
政成民和能無燕嬉之事歟若以臯隲而來又宜
有登覽之美庶幾忘遷謫之累焉由是而言則茲
境也當不廢矣奚取于予文如款謹其歲時請以
斯言刻之至和二年冬十一月一日范陽祖無擇
記

洛陽九老祖龍學文集卷之七

洛陽九老祖龍學文集卷之八

序七篇

刻經劾方序

洪範九疇皆以天時人事本於王化其九曰嚮用
五福威用六極壽考康寧終命居福之三凶短折
疾居極之二苟陰陽和寒暑時兵革不起畫象不
犯則民壽康寧且考終命矣三代之際仁政之行
非他也由是道也風雨不時人多疾疫邊鄙不寧
刑罰不中則民凶短折且疾矣暴秦之際覆亡不

暇非他也亦猶是道也噫為天下國家者舍三代而不務則必暴君也汚吏也未見其仁政所由興也求今之人能猶是道以行仁矣其提刑舍人彭城劉公乎公明白有才遇事輒斷奸貪下吏縮縮不敢動如老婢病妾對明鑑然常自謂曰陰陽和寒暑時兵革不起畫象不犯使民壽康寧且考終命者此宰相佐天子之職之業我則不敢然念四海之廣民踰億兆飲食之失飪寒暄之作沴為不少矣非有藥石之良孰救腹心之疾因取家藏方

書所經効者摭三百七十首且將刻石傳諸方來即出其本以示小子小子再拜：賜不覺歎服公之用心可謂有仁術矣往者太宗皇帝集聖惠方凡萬餘首錢之方板以廣流布今上皇帝作銅人象按明堂法分布踰空示民不惑以我國家四聖人豐功鉅德紹休天命永康民人仁政之行固已比隆于三代也尚慮和氣或鬱人乘為疹乃以藥餌之方鍼砭之法輔世所闕斯又適于禹湯文武之心焉公則糜愛斯術用濟羣品有以見聖主賢

臣同德協心如此其至矣異日朝廷訪公以天下之利害民間之疾苦公又將以仁義之藥禮樂之術醫時之病使鰥寡孤獨有養黎民不飢寒至于海隅蒼生或仁或壽其為美利萬々于茲也小子不敏辱命為序區々之說願冠諸首

羣公送潘君秘校赴潁上詩序

去年余游上都隸太學會友人芸閣讎書潘君說自七閩赴三銓余以秋賦獲升名于禮部君以冬集句稽于潁上既而雖羣索居望風懷想者三十

旬餘茲矣今余抵潁謁舊叅政貳卿蔡公屬君趨府且同傳金胥會于此驩尉無量君乃出去年所得餞行詩繇內相晁公而下暨予一十九人凡二十章其將藉不肖文以冠諸首而刻諸石請不容遜可無辭乎君少步塲屋為時間人況此下僚固未克量而君累歲處之無一日戚々于懷抱如尸貴仕享豐祿之為者事上官不少懈亦未嘗以毛髮事取容于人非夫器之闔大塗之修遠而不可可涯測則疇得如是邪貳卿蔡公以元老舊德暫

解魁柄息偃是藩薦深之士延咥翹踵以顛獎板
矧如君者孰與先為余知君之脫塵土靈煙雲當
在此時不在異日必矣敢請題是辭于羣公之詩
左以為序時景祐五年秋七月十日也是年十一月十八日
改竇元
元年

河南穆公集序

積于中者之謂道發于外者之謂文有道有文然
後可以為君子道有用舍文有否泰然用舍否泰
在命不在道與文也君子不以其命之窮而輟于

為道之不行而不廢于學文故雖身危于當時
而名顯于後世者繇此也河南穆公諱修字伯長
天下人也少舉進士有名廣場中真宗封泰山年
詔齊魯諸生以經明行修公實在其選越三年就
銓調補泰州司理叅軍居職以直自任無與舍者
人皆憚忌卒誣之罪遂貶池州再逢恩徙潁蔡二
州為太學卒不復用明道元年秋九月終于家如
公可謂命之窮通之不行也已而未嘗廢文大凡
有作莫不要諸聖賢而立言合諸仁義以為質平

時所見于簡策者殆踰數十萬言時人得之且愛且學及公之沒無擇求遺文于嗣子熙得詩五十六書序記誌祭文摠二十與無擇所藏增多詩一十二書序各一從其舊友而求之往々知愛而不知傳故無獲焉姑類次是以爲三卷題曰河南穆公集云時慶曆三年春南康清修閣中序

李泰伯退居類藁序

孔子沒于有餘祀斯文衰敝其間作者孟軻荀卿賈誼董仲舒楊雄王道之徒異代相望而不能興

衰敝者位不得而志不行也苟得位以行其志則三代之風吾知其必復嗟乎秦漢以來禮樂則不爲而任刑以毆其民將納于治適所以亂之也歷世寢久皆謂天下當如是可以致治而不治者時有故有奮筆古爲章句卒不及于禮樂者末哉文也吁江李泰伯其孟軻氏六君子之深心焉年少志大常憤疾斯文衰敝曰墜地已甚誰其極之于是夙夜討論文武周公孔子之遺文舊志兼明乎當世之務悉著于篇且又歎曰生處僻遐不自

進孰進哉因徒步二千里入京師以文求通于天子乃舉茂材異等得詔第一既而試于有司有司黜之嗚呼豈有司之過也其泰伯之命邪或者天徒付泰伯之文而命則否邪亦將位得志行于後有時邪吾不得而知已泰伯退居之明年類其文藁第為十有二卷以寄南康祖無擇且屬為序無擇既授之讀之晷月不休善乎文武周公孔子之遺文舊制與夫當世之務言之備矣學君子務可不景行于斯慶曆三年冬至日序

連席秀才字序

名之於身必存乎義無義不足以為名故字者所以明乎義之所存也夫春秋之法書字者貴之也書之為貴則不書為賤可知矣噫字之用亦大矣古之人名而不字者有矣字而不主乎名者有矣苟名與字乎存氣甚大而人不有其道又何所取焉上黨連君學賢人者也學賢人者將有為也將有為則其思慮深其志意廣精驚乎堯舜之道志意不得不廣連君學賢人勤且久而不渝其心允

乎賢人也其名席之義亦大昔魯哀公問儒於孔子孔子曰儒有席上之珍以待聘鄭氏謂席猶鋪陳也鋪陳往古堯舜之善道以待見問也夫堯舜之道存乎典蓋百王之所不可易之法也人苟能得其道而鋪陳之以事其君不亦孔子之心乎今連君之名席豈無意哉無擇敢請字之曰公珍惟公珍有可為之材當可為之時又將居可為之位必能鋪陳善道以事其君亦朋友有望于公珍也公珍其勉諸

進士魏舜元字序

男子冠而不字可以為之闕禮予之友弟魏君舜元一日訪予以未字為請且懼且闕禮夫父名其子士字其友時乃古序不敢遜因稽其名所出循其義以取稱去字曰善長在春秋傳舜有大功二十而為天子蓋言舉十六相去四凶人也易補乾有四德元亨利貞文言元者善之長也在坤則曰曰坤元亨利牝馬之正用知乾有四德坤亦有之乾言君坤曰臣君臣之間皆備四德昔十六相世

濟其美天下之人謂之元凱其不善乎臣于堯舜
非坤道乎弟以少年彊學篤仕進之心苟道日益
修志日益固無患夫不為元凱也何患夫不為明
天子之舉也孟子不大乎舜何人也予何人也舜
而可及元凱其不可及乎弟其勉之孟子又曰責
善者朋友之道也予既辱承請且訊其舜之功又
緣其坤之總重以孟子之言并而為之以畢其說
不褒而勉者亦庶幾乎責善之道焉

題宜春臺詩序

宜春郡有五臺號宜春者為甲蓋其據會要盡登
眺之樂自古迄今幾千百年游于斯者幾千百人
好事之流覽景而賦詩者豈少邪今存于屋壁者
不過近世三四十人而已余意經久失其傳爾乃
因暇日命工為巨版摭錄其詩凡三十首庶免散
亡不以詞之妍媸不以位之高卑惟以歲月次其
先後或曰子其刪之如何余應之曰非聖人之徙
不敢爾為也請俟來者



洛陽九老祖龍學文集卷之八

洛陽九老祖龍學文集卷之九
書并神道碑銘墓表祭文

與張郎中書

月日范陽祖無擇謹致書于郎中執事無擇中間
嘗奉面命俾撰先正侍郎神道碑文初不敢承命
暨執事改治、州又辱書來請伏以先正侍郎潛
德弗耀克昌其家無擇才學短淺固不能發明往
行然屢被見託不可無辭以尉孝思其碑今已撰
成謹令繕寫寄獻文字荒謬深懼不稱伏維尊明

詳擇不宣

宋故贈尚書工部侍郎清河張君神道碑
銘

寶元二年冬十一月庚戌天子有事于南郊還乃
賞公卿行慶賜自公以下位于朝者其父母祖父
母既沒咸有贈官例也明年春知齊州軍州事尚
書虞部郎中張公某語其僚大理評事祖無擇曰
我先正本無官其治毛鄭詩咸平三年擢第自有
位于朝累贈為衛尉卿今天子以圜丘之祀均釐

臣庶又贈至尚書工部侍郎按今當斷石為碑表
諸神道願得文章以系以銘無擇曰不敏文章不
是以信後人敢辭他日見復言無擇曰此撰述之
事非末學所宜為固辭未幾公改治洛州又移
書來請益堅無擇大懼違孝子之心有谷乃不辭
其碑曰惟張氏先寶皇帝所自出其苗裔蕃衍甚
盛漢唐暨晉有文武材為王侯公卿大夫十五六
唐沒五代天下喪亂衣冠舊族往來流落閭閻間
沒而不振故侍郎諸祖咸夷于民曾祖諱瓌祖諱

溫父諱隱以中原版蕩與其族轉徙四方無常產
逮周廣順中始占籍于濟侍郎諱澄字仲容寔濟
人也侍郎以諸祖連數十歲避難南北約其餘貲
無以支經費遂不為他務惟早夜孜孜以治生事
常自儉嗇推所有以均其宗屬歷數年為富家大
族嘗有里中凶人晝日輒撰物侍郎不俾人捕烏
俄而凶人自致其所盜物而去濟民于是號有善
行初郎中君以明經中選侍郎訓于庭曰汝惟清
謹乃克保厥官汝惟友是乃用瘵厥躬郎中君初

服其誨言因敢失墜繇州縣職為幕府客遷京朝
官宰邑守郡時稱廉平故人咸謂張氏有子矣侍
郎之配曰太原王氏積封寧昔縣君生六子四女
長男即郎中君也次曰永圖永昌永錫肩永璋並
無祿早世女俱姪為仕妻侍郎以咸平五年秋八
月終以明道元年秋八月塋于濟之鉅野縣仁義
鄉仁義里以寶元二年秋八月作碑于道固自一
命大理評事暨命尚書工部侍郎凡六被贈與也
于是條其世系官闕以狀來請辭刻于石辭曰

東京陳氏	著于潁水	世莫不聞
大丘之賢	降及千載	孰纂其先
君曾祖考	奕世服道	樂只丘園
不易其操	涵渟淵深	後必浩浩
至君起家	存諱有革	卽署卿曹
爵服再加	周旋四紀	靡有過差
于沂于弁	于新于撫	若泗興國
別乘守土	王澤是宣	及爾黎庶
聽訟由人	下無冗民	發姦摘伏
異如神明	折強扶弱	愛如陽春
七十致政	雖曰禮典	卿士大夫
由之蓋鮮	惟君知止	聖言是踐
昔學而仕	車朱兩轡	盍歸來乎
棲遲衡門	始終進退	身沒名存
咨爾來世	歛此遺懿	鄉黨善人
朝廷循吏	石有時泐	斯文不墜

鄭都官墓表

予既作韓文公祠成因畫都官卽中榮陽鄭公像

予東壁以配未幾郡人之戴白者以公墓所在來告乃率僚屬並往觀之距城終七里而獲焉于是增封以樹植宇隧前周公垣墉限以閉閔伐石為碣表于路隅公名谷字守愚袁州宜春人光啟三年進士及第始為宣德軍節度使判官不行以所知薦擢為殿中丞遷國子博士尚書虞公駕部員外郎中司農少卿歷知南京下邑縣廬州舒城江陵府江陵邛州大邑縣通判并沂州知新撫泗州監光州酒稅知興國軍始為郡掾留心法律嘗

言五服年月之制輕重之失凡九條請行刻正又言五代之法有自徒加至死者亦請減定並徒之赴調吏部以書判官等遂佐江陵幕府時政尚威猛僚吏無敢言者君頗為規正一府賴焉君在舒城主推茶薜有大姓張廸等五家常擅其利他商莫能行君為革其敝廸等乃誣高宗廟諱訟君于上在法當免轉運使察其非罪聞于朝廸得其直廸等皆黥配焉治江陵有善政後有徐越者代君為治亦著能名時人歌曰前陳後徐政簡民舒民到于今

稱之有沂州殺人者反得無辜而按之會君被檄如齊未幾如已具獄君辨其寃後果得殺人者人以為神明樞密直學士王公雅聞君名及守太原辟以為僚至則一府之事多以委之春州有馮萬者殺人辭連馮資既而吏嚮獄將以資死烏方為新州轉運使以乃屬君繇是資得不死撫民素好訟君下車三日牒訢數百一一照其情偽區處無有不當訟事日希泗當水陸之會政事日繁君處之沛若有餘日皇祐中諸路轉運使承詔上列郡治狀而君在淮南為第一踰年拜懇求近鄉一閑局以使于私章冉上乃有光州之役俄為使者奏起之復知興國軍大江以西具俗尚鬼君一切禁止民遂化之居二年請老既得謝歸故里一不問家事惟與同縣人高士劉瞻相往來講道義泊如也以嘉祐六年十月十四日啓手足于私第享年七十有三君少時孝謹諸父有欲異居者為之泣諫乃止丁繼母憂廬墓二年極于哀毀其蒞官効職廉白明恕數見稱述若文潞公明文列公高文

華公皆因重焉曾祖隱祖懷懿並不仕治左氏春秋世其學父谷亦不仕累贈尚書工部侍郎妣李氏張氏梁氏封壽光仙游仙源縣太君三娶初黃氏次程氏後許氏皆望族也程封長壽縣君許封天興縣君男八人之翰之奇之才之純之敏之道之輔之賢翰仕撫州司戶叅軍奇宿州臨澧縣主簿純蘄縣主簿才早世餘皆舉進士女四人伯叔並夫仲李嫁為士妻孫十一人曾孫二十二人君既有疾一日謂諸子曰吾疾草矣吾死當乞文

于祖擇之以識丘壠則瞑目無恨焉諸子于熙寧元年四月二十日塋君及三夫人于蔡之新蔡縣咸平鄉龍泉里從吉卜京兆府劇縣尉終於尚書都官郎中老于鄉嘗作拾遺補闕當時正人都稱其善尤五七言詩為薛能大拙所知有雲臺編工與外集凡四百篇至今行焉士大夫家暨委巷間教授兒童咸以公詩與六甲相先後蓋取諸辭童清婉明白不狎不野故然嗚呼人患不學患不至苟矣至雖小善必聞古之師醫日者之類有能

臻其極猶或不磨滅于後世矧詩者吾聖人之門
六藝之一乎宜乎公之名與詩俱存也予觀今哀
人服儒而志古者誠不少矣他日卓然以文章功
業與前人並駕則誰歟予是舉也將以勉其所未
至耳墓在宜春縣信義鄉仁成里至和元年冬十
二月五日記

祭故鄆州孔給事文

維寶元二年歲次己卯閏十二月丁亥朔十日丙
中承奉郎守大理評事通判齊州軍州兼管內河

堤勸農事借緋祖無擇謹以清酌庶羞之奠致祭
于故鄆州給事孔公之靈嗚呼直如絃死道邊皆
聞其語今見公焉嗚呼公乎秉德如天其道甚大
動直靜專惟我素王實公遠祖王之四科方冊攸
布公能兼之用躋近著克孝于親克忠于君德行
以聞再使絕域時謂補職言語維則五為州牧務
簡刑肅政事有穆好古博雅不舍晝夜文學是駕
公以讜言得官諫垣孜孜獻替袞闕以完中間左
遷迺于蕃宣帝思其賢趣詔次旋復位于朝丞我

御史表正中外有綱有紀有議于廷惟公固爭遂
被斥逐去如流萍守徐暨充歲革五變又詔俾歸
舊職是踐厥惟宵又竇交通臣訟起王府迹狀誠
陳公按其獄細大必親投鼠忌器有測上仁巧言
如簧茲用中傷朝奪其官夕與汶陽道次澶淵館
舍以捐聞諸行路失聲潛然靈輻東歸闕里故第
寓殯于郊茲辰維利敢陳薄奠以致精意公其鑒
之尚或來暨嗚呼哀哉伏維尚嚮

洛陽九老祖龍學文集卷之九




洛陽九老祖龍學文集卷之十

雜文

歐陽文忠公除吏部侍郎告詞

時為知制誥

先皇帝遺文授艱于朕躬俾守宗廟暮年于茲惟
是二三政事之臣輔朕不逮以底于治嘉乃勞止
是用疇庸推忠協謀佐理功臣金紫光祿大夫行
尚書戶部侍郎叅知政事柱國安樂郡開國公食
邑二千八百戶食實封八百戶歐陽修精識照于
古今高名起于日月文之以禮樂濟之以公忠頃



在先朝預聞大政逮予嗣訓之始繫爾定策之先
屬哀毀之過差感疾疹之甚美鑿禱備至氣體詔
康苟非與在之良曷見仰成之懿宜峻天臺之秩
庸昭國棟之隆褒德懋功于是乎在爾其夙夜茂
勉左右弼諧用乂我王家爾亦有無窮之聞豈不
休哉可特授行尚書吏部侍郎依前叅知政事功
臣散官勲封實封如故

為病設醮青詞

臣聞惠迪吉從逆凶惟影響惟時上天鑒厥下厥

下克寅威罔惟無咎悔亦用集于多祉茲臣固常
聞于師而臣愚不明弗克率厥道以底于休反肆
志不類允宜速災疊于厥身今天謂愚無罰而猶
降疾以告戒俾沐惕其心而臣夙夜靜惟先王之
訓儆懼不怠尚克惠迪以終有慶以承天惠惟天
聽在下必聞臣之言天而既告戒矣臣亦既儆懼
矣實其藥石所治以即康寧臣其有渝今日之言
惟天罰不敢道臣無任懇禱之至

進士策問三道

第一道

問古者井田之法作一而稅國用足民食不匱雖有凶荒兵革而無菜色者矣國家富有天下農田至廣賦稅亦厚蓋以山澤之產醴菡金珠犀象之利又征商權酷獲其饒無凶荒兵革之事而國用不足民食匱者何也子極言其所以然而陳古道以教我

第二道

問儒者言聖人則必首孔子夫孔子之刪詩書定

禮樂贊易道修春秋謂之六經茲同萬世不刊之書也孔氏序書則云斷自唐虞以下訖于周今之所存可考矣司馬遷作史記則有五帝本紀孔子又以少昊顓頊高辛唐虞之書謂之五典司馬本紀則首黃帝刪紀亦既有異黃帝又復不同二者差殊豈無得失聖賢之旨乎子其辨焉

第三道

問夫子之文章著于書載于傳所以垂世立教不為空言也其有並出書傳而旨遠不類非質于博

識通儒則不能無感且如書云兩造具備師聽五
辭及祢子路則曰片言折獄其由也與又若會于
夾谷云有文章者必有武備及對衛公問陳則曰
軍旅之事未之學也儻以兩造其備師聽五辭則
由也片言折獄何為而稱之苟有文事者必有武
備則衛公問陳何為而不對茲固學者之所常沉
研耽味也遲聞其說以附于經

與盱江李泰伯五啓

其一

無擇再拜泰伯先生酷熱以來氣體何如驛置相
望不遠千里無階披奉祝增詹企法掾連君錫僕
之故人有文而善與人交泰伯見之當相得以驩
矣千萬善愛慰此多憶無擇手記頓首泰伯先生
六月十七日

其二

無擇啟累日前軍校過敝邑得泰伯所示書承起
居無他為慰甚深也慶曆良言皆及當時之病真
醫國之書耳使今相天子宰天下者聞其言而行

之何憂乎撫鬻何患乎拓跋氏邪無擇踈賤不得
言于朝泰伯又俾付寄永叔則須良便致之也君
錫行日曾記奉書必得通上無擇近作愛堂銘與
文爽序在君錫處宜往觀覽曰風幸示可否之教
秋暑千萬善愛不宣無擇再拜 二十六日

其三

無擇自來淮楚以地遠且少便復吏事無餘暇故
不得時以書拜徒自愧頌亡已足下之門人高第
者曰陳生過聽不佞遣介走數千里惠然以書見

抵且示之策捧覽之際覩生面目茲足下之不鄙
遺我而俾之相示也顧愚何作以當之推轂之教
豈敢不勉趨奉來由惟祝善愛諸懇可期面會茲
不布萬一無擇再拜泰伯足下 四月九日
淮上書

其四

無擇再拜泰伯先生無擇嚮者居憂丹陽辱書者
再兼承見寄長篇及賦不任感仰然以道途阻遠
少遇信便無階致誠而望風依以靡忘終食也去
歲遇洪井見建昌牙校首詢動止且將附問乃見

生赴范杭州召已行矣又不得通區區于左右今
陳秀才人來捧所賜手尺具悉起居如宜差尉詹
渴萬一無擇方此奔走披晤來日仰斷千萬為道
自愛愚懷所望無擇再拜泰伯先生

其五

無擇再拜泰伯先生言念久不附問惟劇詹馳夏
未抵袁即欲致記竊聞暫車寓泊洪井及詢諸相
識乃云他適蓋傳聞之不得審的耳介至意捧手
墨承體局休佳殊慰區區敝郡已作學更三二月

可成當須坐邀長者來此為後生唱道此乃時專
遣人禮請次謹先此咨露秋涼希千萬若時加愛
懇々無擇再拜 八月二十三日

知袁州日謁仰山廟祝文

無擇謹以清酌之奠敢昭告于仰山之神大江之
西素寶小邦之京師為遠地世近守茲土者不選
任重人非不才與有罪為時棄逐則不至烏無擇
不幸既不才且有罪其小邦遠地回所宜處既至
州三日與吏民相見矣然念雖小人不可不務為

君子盖有志于君子則不以進退遠邇易其慮竊
惟幽明之際神人相依人克事神以誠神必祐人
以福苟無擇政有繆繇弗協于極以傷其和神其
降罰于無擇之身罔敢怨尤無作水旱疫癘災害
百姓尚饗

祈雨祝文

無擇謹以清酌之奠敢昭告于仰山之神惟袁之
民庇于神舊矣今天子以無擇有罪俾守茲土曾
期月民以早告無擇殊不知所以獲戾於神豈神

以朝廷謫無擇之身向存遺責而神責之乎不然
何當雨不雨使千里之內戴目而望膚寸之雲以
雨其田疇心憂且悲將繼之血無擇儻無罪而神
責之不明有罪而移其責于民不仁不明不仁虧
神之德其作霖雨以活百姓之命厥或後時雖雨
無益也尚饗

謝雨祝文

無擇謹以清酌庶羞之奠敢昭告于仰山之神歲
比不登民飢已甚公私不墮之其慮堪田農之家

往、舉息錢以市種與牛乃克播種苟嘉穀未秀而膏澤斯愆則西域何望烏無擇不忍見此民將轉死于溝壑遂有禱于神蒙神哀之雨以時降闔境之內靡不霑足惟神之德大不可酬非薦至誠罔以為報神其有終厥惠無毀于成使民感神之德于無窮豈不休哉尚饗

秋祭祝文

無擇謹以清酌庶羞之奠敢昭告于仰山之神歲云秋矣百穀用成俾民小康乃神之賜恭修時祭

是謂報功神其永庇吾民食于茲土不已尚饗

春祭祝文

無擇謹以清酌庶羞之奠敢昭告于仰山之神月旅仲春農務東作百姓有倉箱之望三時無風雨之愆繫神降康俾民蒙福嚴申時祭其鑒至誠尚饗

祭韓文公祝文

皇祐五年十一月初一日築韓文公初堂落成以文安謝

嗟乎公之文章日光玉潔可學而武公之文望太
山北斗可仰而尊公之篤道自比孟軻可從而信
公之經學為諸儒倡可從而効至于排闥浮圖力
抵萬乘竟謫于潮旋移于袁遺愛弗泯邦人是思
去古雖邈其風猶在無擇偶以罪譴出守于斯遐
思英風築宮以祠乃繪慮鄭暨公門人賢若湜翽
並列從祀比至落成為文以告諒公英爽其鑒于
茲尚饗

祭鄭都官祝文

至和元年十二月初五日無擇乃建鄭
都官郎中墳亭神像落成之後以文安
謝

無擇茲以備員出守此土固當首尊又行以勵邦
俗則搜訪前賢遺跡詎可後歟于是閱唐人登科
記則知公之名有素觀郡庠雲臺編則知公之詩
有體得佳城之故阡則知公之跡可仰故卜以吉
日高宗廟諱以墳宇繪以亭像敬率郡僚以文告焉嗚呼
公之生也其亦人中之龍也而亡也其亦星辰山
九

嶽之歸也則夫所以修完墓宇者緊欲勵此邦之俗而俾後進之有所繼也區區之文靈其鑒焉尚饗

鼎州桃源觀題名

皇祐四年正月自廣東憲徒為湖北提刑七月奉詔改廣東轉運使

予按部辰陽往來再經桃源觀時皇祐四年秋七月己酉壬戌范陽祖無擇題

親書刻于觀中
瞿仙菴碑陰

堵田仰山新廟題名

自廣南東路轉運使以太常博士真集賢院移知袁州皇祐五年六月五日到任至和二年十二月十三日尚書比部郎中翁及替罷

范陽祖無擇
淮制祭仰山神東平費武江夏黃本
南陽白文清
洛陽林觀
盱江李泰
伯崇
陽潘及甫
河東柳洪偕
行至和元年夏四月庚戌
洪書刻于石
歟下饗

亭前

謝到任表

元豐六年神宗召起龍學典簿

臣無擇言昨奉勅命差臣知光州已於今月二十
六日到任交割管幹訖者受命以還視事伊始戴
恩懷懼震驚臣無擇中謝伏念臣撫世系已卑微
天姿謏薄偶緣尺寸之技誤塵甲乙之科遂自下
陳寢階近侍歲月滋久功效蔑聞夙夜勤勞適咎
深積果人言之是速在吏議以何逃流竄累年飄
泊散地伏臨晚節仰被洪私復叨守土之榮寔出
逢辰之幸茲蓋伏遇 皇帝陛下堯仁衛與舜智

無為憫臣少被于搜揚察臣老流于荒裔遠從謫
籍沒置列藩臣敢不捫心省過刻骨去非誓悼犬
馬之疲勞免擠滿壑之玷辱庶逃後悔尚蓋前咎
臣無任瞻天仰聖之至

洛陽九老祖龍學文集卷之十一

名臣賢士詩一十六首附

司馬溫公送龍學守陝

狀元呂椿龍學第
三名溫公第六名

深教空巖穴夫君集帝庭
辭華動丹宸光價塞青
冥峻德推爭轂榮途易建
瓴陸離寒水玉磊落曙
天星得喪誰先識艱虞困
屢經蹉跎涯涯足飄泊
鳳凰翎粉署踈思紀甘棠
寄典刑仁風思布護疲
俗待綏寧賤子良多愧
餘光每乞靈題名聯士版
占籍稱民丁種々顛毛白
蕭々壘栢頭青陌瞻皂



蓋猶立涕飄零

梅聖俞再咏送龍學赴陝府

古來分陝重猶有召公棠此樹且能久後人宜不
忘君從金馬去郡在鐵牛傍山色臨關險河散出
地長罇無空美魚必薦嘉魴天子憂民切行當
務勸桑

王荆公和龍學登紫微閣

同為知制誥

漠漠秋雲護掖垣青雲只在兩楹間宮樓唱罷鷄
人遠門闕朝歸虎士閑華蓋比瞻天帝座蓬萊東

想道家山却慚久此隨諸彦文彩初無豹一斑

又一首

掖門相對敞銅鑲
飛甍在兩間潤色平生知
地禁登臨此日愧身閑
浮雲倒影杉窓隙落木回
颺動屋山忽憶初來秋
向早紫微花點綠苔斑

梅聖俞送龍學北使

燕山常苦寒漢使涉靈臘路長人馬愁風急沙霰
雜宿造穹廬閑行逢獵騎合戲鮮禿髮馳問驛革
言答每食冰上盤欲飲酒凍榼見其君常時國禮

何勤納中朝厚仁恩四海望闔闔乃知日明光照
必蛮夷臣歸來易輕裘賜對延英閣

司馬溫公晚春病起詩呈龍學

風日正和柔身輕喜病瘳懶拋殘蠹簡暖脫弊貂
裘值客開青眼逢花忘白頭家々好春色何日可
同游

朝議大夫上柱國致仕張徽聞龍學平昔

曾游潁川西湖有詩以寄之

河勢橫斜帶地形碧游丹旆昔常經驛名未改風

塵黑碑字猶存雨蘇青薦福寺園林倡杏渺擷芳

亭名洲妓娉婷汝南一值賢人降分野于今占德

星

張徽又送龍學和寄黃元之是時郎中詩龍學

京在西

未持雙節去朝元玉陛猶虛侍從班龜洛回游天
直上鷄林新句海中間品流有日歸陶冶逸無
時奉宴開鶴馭仙游何處所軒皇冠劍在橋山

司馬溫公送龍學分司西京御史臺

人生榮與辱百變似浮雲自有窮通定徒勞得喪
分銷愁惟有酒娛意莫如文方寸長消散其餘何
足云

康節先生邵雍字堯夫和龍學詩

是時龍學知開

府封

吾家職分是雲山不見雲山不鮮顏游興日難分
日限夢魂不到人間烟風欲極無涯樂軒冕何
嘗有暫閑洛日交朋屢思約幾時曾得畧依攀

邵康節又謝龍學詩時在西京

思深骨髓為慈親義重山丘是故歸
遊地白雲收得薜蘿身

陽舊

康節又寄龍學詩

三十年交舊相逢白頭海壖曾共飲洛社又同
游脫履風波地開懷松桂秋兩眉從此後應不春
閑愁

曹司勳詩呈思府龍學

曹公諱輔字子方登嘉祐八年乙科官

至朝奉郎守司勳郎中魏靜常先生龍

學出鎮杭州司勳為杭州司法嘗舉之
此生飄泊住乾坤南北東西豈更論
萬里欲封傍墓土十年重到李膺門
少驚人時千變盡付羈愁酒一樽
主上思賢厚風俗如公終未老
丘園

吁江李泰伯題袁州東湖呈龍學

萬象城東雅入詩半湖雲謁捲殘輝
老龍惜雨慵離蟄幽路逢人慣不飛
岸僻自宜安釣石水清誰碍濯塵衣
使君公退常游此却恐君王急詔歸

再呈

郡藏好景有東湖誰道蓬萊遠無路
水底芙蓉謾託根爭如岸上甘棠樹
客來坐見碧波中魚跳潑刺頰尾露
下釣不及呂尚賢明月清風又歸去

又寄龍學

衆人皆銳進唯我復幽居慮遠夢多
亂身閑氣不舒干求非祿位好尚豈
詩書日夜又日徂霜寒鬢髮踈



洛陽九老祖龍學文集卷之十一

洛陽九老祖龍學文集卷之十二

名臣賢士文九篇 附

歐陽文忠公回答龍學手書

文忠公時為職官次年龍學第三名及第

修啓人至蒙示書一通并詩賦雜文兩策論之曰
一覽以為如何某既陋不足以辱好學者之問又
其少賤而長窮其素所為足稱以取信于人亦嘗
有人問者以不問之愚而未嘗答人之問足下卒

然及之是以愧懼不知所言雖然不遠數百里走使者以及門意厚禮勤何敢不報某聞古之學者必嚴其師師嚴然後道尊道尊然後篤敬篤敬然後能自守能自守然後果于用果于用然後不畏而不遷三代之衰學校廢至西漢師道尚存故其學者各守其經以自用是以漢之政理文章與其當時之事後世莫及者其所從來深矣後世師法漸壞而今世無則學者不尊嚴故自輕其道輕之則不能至不至則不能篤信信不篤則不知所守

守不固則有所畏而物可移是故學者惟俯仰徇時以希祿利為急至于忘本趨末流而不返夫以不信不固之心守不至之學雖欲果于自用莫知其所以用之之道又况有祿利之誘刑禍之懼以遷之哉此足下所謂志古知道之士世所鮮而未
有合者由此也足下所謂文用意甚高卓然有不顧世俗之心直欲自到于古人今世之人用心如足下者有幾士則鄉曲之中能為足下之師者謂誰交游之間能發足下之議論者謂誰足下之言

高趣遠好善竊惟足下之交游能為足下稱才譽
美者不少今皆捨之遠而見及乃知足下是欲求
其不至此古之君子之用心也是以言之不敢隱
夫世無師矣學者當師經師經必先求其意意得
則心定心定則道純道純則充于中者實中充實
則發為文章輝光施于世者果致三代兩漢之學
不過此也足下患世未有合者而不棄其愚將某
以為合故敢道此未知足下之意合否

歐陽文忠公又手書上龍學

修啓自擇之使還未嘗一得款奉書局之會幸出
偶爾道成鄙句兼邀坐客同賦雖老拙非工而諸
君盛作亦聊紀一時之事謹以附遞致誠當擇之
西行猶在齊禁不得瞻違實深為恨暑熱道路不
審台候如何惟冀以時自愛

王荊公手書上龍學求教

治教政令聖人之所謂文也書之策引而被之天
下之民一也聖人之于道也蓋心得之作而為治
教政令也則有本末先後權勢制義而一之于極

其書之策也則道其然而已矣彼漏者不然一適
焉一否焉非流焉則泥非過焉則不至甚者置其
本求之末當後者反先之無一焉不諄于極彼其
于道也非心得之也其書之策也獨能不諄耶故
書之策而善引而被之天下之民天下之民反不
善焉無矣二帝三王引而被之天下之民而善者
也孔子孟子書之策而善者也皆聖人也易地則
皆然某生千年而學十四年矣聖人之所謂文者
私有意也書之策則未也間或悱然動于事而出

于詞以警戒躬若施于朋友褊迫陋庠非敢謂之
文也乃者執事欲收而教之使獻焉雖自知朋敢
目蓋耶謹書所為書序原說若干篇曰叙所聞與
所志獻左右惟賜覽觀焉

王荆公又手書回答龍學

早學未成而仕仕又不能俛仰以赴時事之會居
非其好仕非其事又不能遠引以避小人之謗讒
此其所以為不肖而得罪于君子者而足下之所
知也往者足下遽不棄絕手書勤尚告以其所

不及幸甚幸甚顧私心尚有欲言未知可否試嘗言之某嘗以謂古者至治之世然後備禮而致刑不備禮之世非無禮也有所不備耳故致刑之世非無刑也有所不致耳故某以江東得吏之大罪有所不治而其小罪不知者以謂好伺人之小過以為明智者又以為不果以除惡然後怒者不資此亦為言乃某異于此以為方今之理勢未可以致刑致刑則刑重矣而所治者少不致刑則刑輕矣而治者多理勢固然也一路數千里之間吏方

苟簡自然狃于養交取容之俗而吾之治者五人小者罰金大者才絀一官而豈足以多乎工尹商陽非嗜殺人者猶殺三人而止以為不如是不足以反命某之事不幸而類此若夫為此紛紛而無預于道之廢興則既亦知之矣抑所謂君子之仕行其義者切有意焉足下以為如何自江東日得毀于流俗之士傾吾心未嘗為之變則吾之所存固無以媚斯世而不能合乎流俗也及吾朋友亦以為言然後休然自疑且有自悔之心徐自反念

古者一道德以同天下之俗士之有為于世也人無異論今家異道人殊德又以愛憎喜怒變事實而傳之則吾友庸詎非得于人之異論變事實之傳而後疑我之言乎况足下知我深愛我厚吾之所以日夜向往而不忘者安得不嘗試言吾之所自為以冀足下之察我乎使我自為如此而可以無非固大善即足下尚有以告我我使釋然知其所以為罪雖吾往者已不及尚可以為來者之戒幸留意之報我以無忽

鄭內翰獬行應奉山陵加食邑恩告詞時知

鄭州

英考皇帝馭飛龍以昇真藏衣冠乎橋山萬國攬涕竭蹶以趨事而一二藩輔之臣實奮厥績予嘉爾勞茲有優數龍圖閣學士左諫議大夫知鄭州祖無擇老子辭學將之以仁厚而擁節圃日率其所部合力以赴功米益精密無所漏還廟祔已安宜疇慶典增國舊封衍之真食以庸制祿茲非懋賞之公乎

李泰伯寄龍學長篇 是時龍學呼秘丞

我本山田人好尚與衆異平生重交游所得同無
幾昨者應茂才西行覩朝美時當慶曆初選舉實
多士茫茫帝王州恹恹遠游子携錢質被屋乞火
蒸陳米鞍馬到即賣僅僕癡難使有時造公卿努
力向塵市數步則一歌長吁乃能起衣冠信質野
言語欠婉媚闇人顧之笑將命見而避往往得所
請蹒蹒向前跪何能剖懷抱浪自慕尊貴貴人如
天神喘息生雲氣野夫等麋鹿芻豢非所冀歸來

坐空牕惆悵久不睡塵埃滿鬚鬢臭惡入口臭業
已辭吾親中道豈可廢俛俛待報聞愁憂遂經歲
二年正月晦閑房適假寐有奴來啄門手披上聲擇
之刺承命驚下床赤脚誤穿履從來未識面只是
聞高第名顯官且達見我當何為再拜請舊席熟
視知可畏昂昂貌甚古崖而掀氣翳渾渾氣甚和
璞玉無芒銳高設貫先哲雅意在茲世昔人相遇
問一言猶合氣今吾與擇之寧假再三計自此君
往還中心蔑疑貳如熱息廣廈如饑享盛饋君授

南康守舟維蔡河涘我館汴之陰前去路則通時
時結帽帶踽踽尋英軌衆人嬌綺羅相對紐蘭芷
朱絃自三歎笑殺彼鄭衛王命有期日都門一反
袂君行劇鴻軒我處近匏繫曠日及孟秋皇慈始
收試崇崇九門開窈窕三館秘主司隔簾幃欲望
不可跂中貴當棖闌蒐索徧靴底呼名授之坐敗
席鋪冷地健兒直我前武怒足防備少小學能賢
謂可當賓禮一朝在檻穽兩目俱睜眙捉筆折所
問移時數千字讀書取大者纖息或靡記炙背雖

自奇寧當至尊意龍馬騰天衢駕駘合羞死量才
與揣命坦蕩更何事振衣托歸舟河流迅弘矢清
淮江且平踰月在枕几及過廬山南聞君初布治
船檣既入岸馬首已來暨迎我到府署相見共歡
喜嫩橘摘千苞肥魚斫十尾蕭晨徹骨清佳景邀
人醉高會雖暫歡故園當速至草草成別愁悠悠
渡湖水是時東方曙俄然北風厲陽鳥畏威逃江
神以儒戲氣象斗不同波濤大可憐長帆張欲裂
孤舟蕩無倚或從玉井出或自銀山墜篙工斂手

立脉脉無窮淚從者閉目坐嗟嗟不敢視我時撫
休歌分作長江鬼所悵生劬勞不孝而已矣禍福
果無妄險難行可弭脫身得平康引領望鄉里厥
後過浹日幸得見維梓入門何怡怡饌其有甘旨
稚女能紉針驕兒徧生齒芟除閑草菜蔬通舊治
注吾廬可終焉生計由此始郡守方仁賢學宮盛
修理踵門致勤恪命我設經藝麻衣何紛紛鄉人
子若弟不惟務章句所欲興禮義施為有本末動
靜有綱紀蚤與雞同覺夜與月相值孽孽忘飲食

斷斷在文史持附南康詩或逢北來使尺素雖滿
前話言難到耳殆及三年冬聞君受朝寄名稱按
刑獄勢可平冤滯故人漸大任賤子差自慰軒車
日已遠翰墨益難致薄命良可傷降灾渾未已足
年之季冬舉家傳疫癘老母尚委頓微能蓋螻蟻
形骸非我有魂魄與心離權柄在鬼物功力非服
餌曉突誰能炊午閔猶未啓荏苒再間月幸會天
不棄春風動枯槁甘雨澆根柢行行夏交秋吉徵
凶不替高堂何戚戚疾病日攢萃一夕脾臟間發

泄不復止詰朝問無言目瞑口齒閉號呶諸孫兒
雜沓大鼎沸嗟哉當彼時誠恐弗可諱鑿師相急
執巫覡兩經緯藥草極酸辛法術殫怪詭薄暮乃
復蘇踰旬僅知味方茲戀庭闈旋已對獄吏試言
其所由內省亦無愧有人同州問發迹自徒隸竊
被儒衣裳曾亡小材技突如游京邑欲以干明睿
朝家焉可欺羈旅謀自濟乃造黃紙書便取青袍
衣乘船歸南方斂板謁當位自言章奏奇曰藉官
官勢詔文降自中宰府不預議既然能占天且曰

善興利江淮一經過郡府不十帝到處爭逢迎莫
能思處置轉運苦愛奇得之如國器故使按坑冶
庶可長才智小人靡忖度假寵愈放肆行符索吏
卒圈邱發轉遞問閭望塵拜州縣從風靡遮道結
繒綵鋪筵塞珠翠車騎前後呵給使數百指何者
為典刑獨自誇瓜督在昔秦無人統朝贈之筮繫
我非聾聵碌碌寧不恥作書貼諫官姦詐患不細
有詔令建捕按驗取真偽是命知計窮誣我以罪
戾上官猶眩惑準例皆拘係幽幽圜犴中憤憤爭

兢裏周旋二千日乃克見巧敝畫地尚不入叢棘
曷可冥惟茲謝吾母幾不全髮體教道亦難行凡
庸豈同志吁哉養英材徒以釣積毀篋書歸敝廬
庠門任蕪穢去年仲夏後盛暑若火熾郊園有餘
爽蔬果聊可嗜時復觀田疇畢力奉耘耔人生但
飽煖此外皆滛侈思君非一日欲去無雙翅俄聞
遷黃州又說下喪制古來聖與賢誰不遭醜詆蜀
日駭狗犬夏鼎愁魑魅人壽有短長孝子謾憂思
減性經所貶節哀禮為是矧夫王佐才簡在唐虞
際揚名以顯親報德豈不諱加飯苟如願蒼生猶
有恃適時匪我長才朽乃所擬道義果弗充富貴
及為累回憲本無官桀紂焉得比俗子但相非吾
心已居易近者游葛陂念君在襄泉作詩布幽懷
讀之勿嗤鄙

龍學修袁州學記

本朝慶曆中詔天下郡縣興崇學校皇
祐五年龍學自廣南東路轉運使移典
袁州下車之後廼議改學次年至和甲

午學成盱江李泰伯撰記刻石以識其事京兆章友直篆額河東柳淇書世號三絕熙寧元豐間館閣第天下學記以袁州為冠云

皇帝二十有三年制詔州縣立學惟時守令有拙有愚有屈力卑慮祇順德意有假官僭師苟其文書或連數城忘誦弦聲倡而不和教尼不行三十有一年范陽祖君無擇知袁州始至進諸生知學宮闕狀大懼人才放失儒效濶疏亡以稱上旨通

判潁州陳君侁聞而是之議以克合相舊夫子廟陋隘不足改為乃營治之東厥土燥剛厥位面陽厥材孔良殿堂門廡黝堊丹漆舉以法故生師有舍庖廩有次百爾器備並手偕作工善吏勤晨夜展力越明年成舍菜且有日盱江李高宗廟諱諗于衆曰惟四代之學攷諸經可見已秦以山西鑿六國欲帝萬世劉氏一呼而閉門不守武夫健將賣降何耶詩書之道廢人唯見利而不聞義烏耳孝武乘豐富世祖出戎行皆孳孳學術俗化之厚延于靈

獻草茅危言者折首而不悔功烈震主者聞命面
釋兵羣雄相視不敢去臣位尚數十年教道之結
人心如此今代遭聖神爾袁得賢君俾爾由庠序
踐古人之迹天下治則禫禮樂以陶吾民一有不
幸猶當伏大節為臣死忠為子死孝使人有所賴
者且有所法是惟朝家教學之意若其美筆以徼
利達而已豈徒二三子之羞抑為國者之憂此年
實至和甲午夏五月甲子記

袁州教授童宗說字夢弼春祭祖龍學

龍學祠元在州學右廡之前郡庠時祀
之偶坐而配饗者通判陳君侁也

維紹興二十九年歲次己卯三月丙辰朔十有一
日丙寅廸功郎充袁州學教授童宗說謹率在學
諸生以清酌庶羞之奠祭于前太守龍學祖公之
靈惟公學為儒宗政為吏師所居民富所去見思
皇祐五年來刺有文翁闕有常衮千載相望壅培
道本廼築新宮祠韓退之山斗昭揭俾民不迷廼
設經帷延李泰伯勒記在堂其先有赫廼修賢墓

表鄭都官忠厚之教如珠在盤廼開東湖立廉遜
亭遜亦造次顛沛率人以誠既作泮宮既多受祉
報政還朝潤澤豐美遺愛訖今百有七年所憇所
爰甘棠在焉思公若慈父母雨露既濡選牲為酒
僕忝教官再拜祠下薦以馨香配以別駕公兮少
留猿春鶴秋無我斲遺此邦是庥尚饗

張尚書字定叟重修袁州州學舍萊祭祖

龍學

尚書移其祠在州學講堂之西郡庠亦

繪尚書生祠與龍學祠堂俱焉

學正孫
瑾代作

維淳熙五年歲次戊戌冬十有一月庚申朔初二
日辛酉通直郎權發遣袁州軍州事兼管內勸農
營田事張杓謹以清酌庶羞之奠敢昭告于建學
太守龍學祖公之靈惟公蒞政詳明富學粹深皇
祐五年來自禁林環瞻學宮地隘于偏至和甲午
乃克定遷生徒居西祀宮其東殿堂門廡峴然邃
崇歷載深遠地陋弗治代或更制寢違雅規壬莫
振耀喟然永歎豈無伊人熟意在泮杓視事三日

肅躬祇謁顧視迫陘惕汗背決廼議經制一新輪
奐緬想遐風頓還舊觀工既畢事禮嚴舍菜載繪
遣像雍穆如對廼立公祠廼頌公德邦人之思是
儀是則繇今視古忝繼邦紱作新斯堂次詠所萃
率僚告成諸生在庭酌以清酌薦以惟馨公靈所
之星辰河嶽願言來燕以開後覺尚饗

洛陽九老祖龍學文集卷之十二

洛陽九老祖龍學文集卷之十三
家集

祖仙傳

華山鄭隱撰

祖岳字景山別字伯高其先深州安平人父諱仲
雋任許州觀察判官在職有能名開寶中太祖召
拜右補闕通判成都府知賀州廣南轉運使久之
以疾免居于許岳幼喪母哀毀過于成人年十三
歲讀書尤嗜易與老子及長編覽劉向列仙傳葛
洪神仙傳陶隱居真誥超然有出塵之志乃白所

親願不婚娶補闕卒岳哭泣晝夜不絕聲水漿不入口者七日親友強以淖糜乃不減性服除舉進士不利于春官氏一日有白衣書生詣之岳與語儒學之事相得甚懽終夜不寐他日復來書生謂岳曰觀子神氣秀異可以絕風塵凌烟霞無矻矻于儒學者當思脫世俗之累為佳岳曰少有志焉病未能也今日之遇先生非天之所啟耶書生曰子能從我游乎岳曰父母既棄養矣內無妻孥之累何往而不可書生亦未之信也言訖輒去或經

旬或踰月一來岳事之彌謹書生屢與之期岳未愆素書生見而益喜且曰仙神惟有志者可學子能如此可以學矣岳問書生曰先生何居乎生曰我所居非遠又問果何處生曰王屋山岳初得辟穀之術不食者三年聰明彊記日甚一日顏貌潤澤見者異之後與書生皆入王屋山居數年從兄岳通判河南府會王屋縣宰與補闕有舊因託訪之延至公館見岳曲盡事兄之禮贈以衣服等物止取淨巾一條餘悉不受每晏坐淨室終日不語

好為五言詩多述神仙事已而輒焚藁或問山中
何以度日但笑而不答住幾月不粒食惟日飲醇
酒數升而已時岳方出岳謂門人令狐圓曰兄非
曉當有內艱吾不可久處此今往矣寄語吾兄善
事太夫人無以弟為念纔三月岳果丁母憂既去
及入華山時時有人見于懸崖峭壁之間如履平
地少年追躡不及遠而望之見其入石室中比至
其處則與石室俱不見矣景德初成都道士謝又
玄過子峨嵋山下又玄善飲酒岳相與詣酒家飲
日不歇又玄極困憊岳畧不露醉吟嘯自若俄覺
異香氣氤襲人遂探懷中出一物如碧玻璃其大
如橘以授酒保揮手謂又玄曰爾其往哉吾亦逝
矣又玄將別再三問岳名氏答曰吾祖伯高也俱
出酒家行數十步又玄回首已失之山下之人謂
之祖仙後莫知其所終熙寧元年春三月從孫無
擇立石

跋一

予嘗讀九天生神章廼知為仙之道豈易然乎或

名在仙籍或骨象合仙或轉輪終歸仙道其致一也要在養其氣存其神保其命固其根世人不知此故中道夭亡深可憐者祖公宿種善根長而不娶又神氣秀異有志于道豈骨象合仙者乎書生異人也故與同隱王屋山絕風塵凌烟霞後入華山時時有人見于懸崖絕壁間如履平地非神存而全者能若是邪予老矣每覽真誥及神仙事跡未嘗不掩卷興歎但骨凡氣濁莫能繼踵于前人所可喜者比遂退伏得放浪于口水間採芝餌木

以終天年亦無憾矣將仕郎祖護以高祖石刻示予丐跋其後故書其畧云時紹興癸丑季秋二十四日楚山道人蘇覺尹道書川史蘓運使是也將祖德恭之子岳乃獲之高祖也

跋二

世之譏學仙者以為繫風捕影是徒斥其末而不究其本矣文成五利少君欒大矯誣怪誕者此固有廣成安期赤松羨門飛昇延永者果可謂之無邪故瀨鄉記紀得仙之法凡三十六會真記論成

道之門摠二十五顧性質學術積累功行如何耳
孰謂仙不可致歟祖仙傳懿行炳然固有明證足
以間執譏議者之口俾世之人洞然弗疑龍學祖
公以其傳而刻之金石闡耀遠祖之景鑠功亦懋
矣紹興乙卯三月二十四日祥符李平仲題

跋三

祖伯高少有超然出塵之志長與吳人書生游已
而仙去後從孫龍學公紀其本末刊諸堅珉以傳
不朽今夢傳宣教伯高從曾孫也遠示傳刻俾跋

于後披卷仍覽賢師蘇公先生題字歷陳為仙之
道蓋亦盡矣濯晚生後進性資凡陋徒仰祖仙之
清風欽詠蘇公之辭翰又安敢形容其萬一哉紹
興癸丑初冬二十有五日雒陽王濯再拜書夢傳
字別字
吉於

跋四

葛稚川著內篇論神仙事甚詳其門人滕升問曰
先生云仙化可得不死可學古之得仙者豈有其
人乎遂歷叙數十百人為之傳以告之則神仙之

有無固不可以意度也觀祖伯高與異人游且謂其神氣秀異可以絕風塵凌煙霞其後率以僊去此嵇叔夜所謂特受異氣稟之自然非積學所能及者秦皇漢武終身求之而不得及吾儒力詆其說有繫風捕影之誚皆中庸之論愚于祖仙蓋有感也鄉人秋卿同官昌元乃伯高裔孫暇日以龍圖公所書傳見示曰識其末紹興己未二月中澣日河南席登護為昌州司理日

跋五

道家言比干曾參並為仙官故知忠臣孝子誠貫天地必享不止之壽彼專以練形服氣經申之術求出世者亦勞甚哉祖仙傳載其童子時居喪為間孝至七日不勺飲又以事親免其兄龍圖公泰山先生之門人故其所立石有補于世教海陵查籥元章書荆南查運使是也

跋六

世以儒道釋為三門殊不知仁義清淨圓覺其歸一揆特其所入之異爾觀祖伯高天性孝悌神氣

絕塵蓋其根器深遠心與天游故能躡虛超詣如
此彼黃冠方士朝夕整衣焚香區區于散藥書符
呼吸吐納而流浪于利欲者乃曰我欲學仙吾不
信也紹興丙子三月十二日莒山續臧宜都燕居
軒書續吏部是也嘗帥京南後為茶馬都太尉
乃荆甫狄密學之婿與祖護夢傳為連社

跋七

白居易有言以儒飭身以道養壽誠哉是言也祖
伯高幼嗜儒學及長脫俗遂為神仙中人飭身養
壽始終如此居易之言伯高其得之淳熙丙申正

月十七日高平范炳文梅叔書

跋八

安陸連壘蔡監淳熙三年季夏朔連郡州是也安
謨閣學南夫之子庶之侄孫庶字君
錫昔日龍學歐陽恭政嘗同薦舉焉應山縣人顯

跋九

祖氏素稱名族代生偉人至于君則為列仙蓋其
積德有自来矣夫傲睨烟霞糝糠萬化真閱千載
猶一朝夕此豈今日慕仙者可得夢見哉伯玉自
溪載華山隱者所作傳來三復舊刻不能釋手俯

愧塵滯感歎交作淳熙六年八月二日東萊蔡武
子書于江陵城西羅臺僧舍伯玉奎之字也資州
也其奎之諸子
今居荆南清溪

洛陽九老祖龍學文集卷之十三



國家圖書館, NATIONAL CENTRAL LIBRARY, TAIWAN, R.O.C.

洛陽九老祖龍學文集卷之十四
家集

狀元紘微始末

公諱士衡字平叔侍郎第四子十八歲殿試狀元
及第因有官移為第二人是時試清明象天賦明
徵定保詩盛德大業論祥符元年也尚書李宗訥
之壻後娶太師向文簡敏中之孫女唱名日文簡
在殿上拜謝歷祕書省校書郎吏戶二部郎中石
正言直集賢院同修起居注石司諫同提舉在京

諸司庫務司文簡薨恩及外族例加一官特授起居舍人晏殊行制詞有告存焉錄之于後天禧四年八月除知制誥乾興元年七月出知吉州任滿歸京天聖中奉勅撰向文簡神道碑銘卒享年三十六有齋語記一冊姪孫德恭任賓州太守日嘗題跋云每覽叔祖語記乃見編次有序記述甚詳其間告戒亦有深意使人讀之當銘佩其言不可遺也書于資中郡舍坐嘯堂時建炎二年八月初四也其餘所作之文頃遭兵革散失而僅存一二

今編而次之畧見其大槩云

起居舍人告詞

勅故右僕射兼門下侍郎平章事向敏中孫女壻朝散大夫行右司諫直集賢院同修起居注同提舉在京諸司庫務司上輕車都尉祖士衡早以雋名擢于上第工文合雅繕學宗經登冊府以細書佐地官而治賦亟升華貫綽著時才眷吾輔臣惟爾外族奄茲淪謝增用憫傷爰降寵榮及其姻屬特遷史秩蕪忘欽承可特授行起居舍人臣晏殊

行天禧四年四月日下

紫微撰西齋話記三十五事

蔡州褒信縣有文秀才者名宏惟夫婦同處不知其甲子者舊見之約八九十年矣容貌常若五十歲人去邑城十數里有田百餘畝歲自耕耘力不懈凡春秋田率各只種一色是歲所種之田例必倍熟凶年亦獨有收而多辟穀歲取所得常募里中尤貧乏者輦負就寄其家約日與之饘粥之費以充傭直鄉人服其義弗之欺也

久之又遷一處凡不數四即並盡矣來歲復如之未嘗言事未嘗干人或疑其有道術輒哀祈之者乃遷避迨逃或旬月或經歲不得見矣大中祥符初今太府少卿蔡汝典郡下車之日命牙校邀之言前守眉州遇青城隱者託以達信堅以為牙校所迫不得已偕至郡齋每行必杖策先其牙校牙校鞭馬遂之不能及相去常百步許祭鄉盡禮迎佇略無留意咨以化民之道修身之術對曰六籍載之備矣外復何求承

間訪以黃冶之事笑而不答數日求去蔡卿厚
遺之悉無所受既歸故里語其鄉黨曰吾將遠
游亦未期迴日幸自各努力也一日挈其妻潛
去于今莫知所適耳

太平興國中相國清河張公齊賢為江南轉運副
使河內向公敏中通判吉州有水軍小校彭仲
立者善袁許之術言二人皆當位極人臣富貴
而復壽考張先升而不久其位向次得而最耐
後向比之張官較一資壽少一歲既而二公果

相繼登庸張終于司空致仕年七十三向以左
揆終于相位年七十二

國史補云蜀人織錦初成必濯于江然後文采煥
然今則不然矣未知何以言之

翰林李學士案謂休澣與子弟家讌有太常丞劉
仲宣是日預會酒酣曰探題聯句或徵故事為
令以俗語捉對李氏諸子中昭述者時年十數
歲飲酒先酤顏而劉丞思苦抽乾每徵改頗有
難色偶顧昭述欣然得句云三杯眼精赤述應

聲答曰一度令來唇口青

太祖之御極也忠懿王錢俶親奉職貢以脩藩臣之禮禮成辭歸面叙感遇俯伏流涕且曰願子子孫孫盡忠盡孝太祖曰但盡我一世盡爾一世子孫亦非爾所可及也

予姑程氏孀居誓志携其幼孤來依先大夫淳化中先大夫任通判河南府姑嘗染疾沉劇久之方愈忽夢有力士十數持符扣門追攝甚急將行十許里至一大城入府署中見一尊官據案

決事左右侍從甚嚴肅尊官云此人且去命授與白絲一結今日數一莖數盡即來至咸平三年先大夫棄養予奉姑氏寓居蔡下是歲姑復夢向之力士追攝洎往見尊官復遣放還一與前無異而再以絲授之其大一箸許纔逾月而姑淪逝

祥符乙卯年馬亮侍郎知荆南罷赴闕語朝士云在任日一日午際有一道流詣郡署求相見閣者以視事方退請謁非時固留少頃以須府公

再出道流曰故知潭州劉師道學士薦某來見
馬候劉已為衡山北門侍郎矣今日禮上某適
赴會退而來此閣者方驚訝其言忽失其所在
三司林侍郎特言咸平中為殿中丞判戶部勾院
奉命京兆府與府公張侍郎詠時為同定監法
張延于解舍忽一日絕早相過云夢一大寮經
由召書吏修刺通謁書吏未至亟自染翰洎畢
視之乃設結銜為禮部尚書凡三易之而皆復
然莫知何祥也後十三載張竟終于大儀

龍圖閣待制李

行簡

言隴州道士曹若虛者善鑿

尤得鍼砭之妙術里有寡婦再適人遇疾且卒經
日而心間尚暖家人因奔詣若虛哀祈一徃庶幾
可救若虛既至熟視之且止其哭泣引鍼鍼之
即時而甦良久乃能語云始都若夢遇故夫相
隨出郭外故夫姓宋遠歷郊野橋梁復入叢林
草莽輾轉不相捨俄而故夫為一物刺其足不
能履步由是獨行忽若夢覺爾郡人競訪若虛
詢之若虛曰向之所鍼乃黃帝鍼八邪穴也若

虛即今尚藥奉御姚可久之師耳

予先人敞廬占數蔡下郡人有與家兄游者忽夢有人自京師至言科場事其人問祖家二秀才士安及第否答曰已成事又問三秀才及第否士龍曰滯他不得其人曰滯他不得是何言答曰先食祿時天禧二年也來春二兄長策名而適拘選限三兄長不利而歸都不測前夢何謂矣秋九月予自小諫遷中諫長冬天子有方望之事得以三兄長之名上奏恩補右職即時受

俸乃思已成事滯不得先食祿之言不差矣

太尉文貞王公左揆文簡向公並久在相位以疾以年累乞罷退上悉堅不允前後抗章非一至遣中使傳宣閤門通進司不得受三公表狀君臣終始恩顧近世罕及也

內殿承制鄧雅前後將命四方自題姓名云登邑誰不言安牙在左邊郵亭廐置徃徃有之耶

戶部郎中直集賢院右中立性詼諧累居計省同列多罹其善謔戶部刑官上官必曰戲曰石君

石君何人奉柰口何石應聲曰下官口何干上官
官必事又初為禮部郎中謁謝時執時執戲之
曰今為正郎莫須不同日前也石曰某雖塵忝
豈可改常况告勅之內並明言之時執因問告
勅內何言也石曰可授尚書禮部郎中餘如故
孟氏在蜀末年因除夜自書桃版云新年納餘慶
嘉節號長春是歲果王師受降以呂餘慶知成
都長春郎太祖誕節之名也

內臣張繼能頗知書嘗搃戎兵于靈州屬戎寇圍

城經歲不解繼能作詩云夜聞塞外鈴聲苦曉
聽城頭角韻哀不是感恩心似鉄何人肯向此
中來

金陵瞽者王光贊聞人言音知其貴賤休咎號為
王聽聲太平興國中先大夫為贊善知句容縣
時故參政蘇公易簡初命將作監丞倅府事光
贊言蘇公甚貴若年過四十即爵位不可涯也
至道中先大夫為尚書外郎通判淮陽蘇公以
春官貳卿自鄧移陳方年三十九強盛無疾晨

接賓僚方退路于廳事之後俄傾不救時十二月矣前去四十不累旬也因思光贊之言一何神耶然聞其爾後言事則稍稍矣

執金曾翰自方鎮黜居環列嘗為言懷詩有曾因國難頒金甲恥為家貧賣寶刀之句頗為時人所許

廉使錢公若水善知人太尉王公旦始直史館錢已同知樞密院每見而歎曰王二他日窮極富貴世無與比翰林學士李宗譚新登第大有聲

望皆謂可繼其先相國之躅錢公云李王文行何官不作而恐不滿五十歲咸平中錢為工部侍郎知開封府李與梁顥趙安仁並命堂詰錢公三舍人將來皆不及趙其後李梁並終翰林學士諫議大夫李年四十九惟趙參預政事官至右丞壽六十一

廬山遠師結社之所東林寺有池極大每歲芙蓉盛開之際郡人泊鄰境士庶以八月一日為期競集于太平典國觀捨施甚多號為蓮華會而

都不霑二林矣主事僧但自常住飯兩寺緇褐
為遠師作忌日齋耳

大貂武惠曾公彬盛德殊勲冠于當世而謙退謹
靜稟之天資常因候對處于內殿幕次尊從悉
屏於他處蓋畏人知也俄有使臣數人率銜命
外方未嘗識公者因褰簾而入一揖而坐各恣
談笑久之目公曰賢甚處得替來公不得已曰
青州得替又曰合入遠近差遣公曰遠近即未
知復曰彼此班行何消藏機應是已有好勾當

處又曰果然是果然是乃問職位公曰某即樞
密使曾公也聞之並狼狽奔迸而去曾公未嘗
形于言西京師尋悉知之蓋其中自有以語人
者

屯田胡員外寂言四十年前有供奉官楊志其乃

節帥楊義所謂楊疵子殿前也之弟為湘潭巡檢年甚少

曰至衡山乘馬入司天帝祠庭又于諸殿焚香
不甚恭肅及出門墜馬而卒後有夜見被甲持
戈步遶壇稱為巡山使者今之祭醮衡山者

皆設廵山使者位即其人也

真宗好文嚮學孜孜不倦祥符天禧之際宸章睿藻宣示臣下者不間于三五日自宰執貼職于三館者皆得預廢載刑部員外郎直集賢院梅詢出為陝西轉運使奉辭之日面奏乞遇有聖製欲令勾當三館中使劉宗超錄本附遞至治所鹿得和進恩旨從之

祠部江嗣宗郎中為夔州轉運使奉詔討谿蠻平之獲先被掠生口千餘人存荅伴舅者江陵松

滋人也始年十歲為蠻人所驅入洞間見本邑鄰居夫婦抱一子纔週歲爾亦在劫中以其夫婦潛謀遁歸並殞于白刃之下而棄其嬰兒伴舅即收之而行得在一田斬斫家蓋其官號也充給使伴舅養視其嬰兒甚至日食以山果或大食之稍甘脆者出則以布襟負之田氏亦憐之而不害也凡四歲而挈之歸各得還其家噫童子而知為仁義也

參政趙侍郎安仁

言故兵部員外郎直史館陳充

上

淳化中嘗染疾一日恍惚若夢中被人召至一府署中云命為山林主者掌世人之先代亡靈久未生者登廳據案僕使吏胥至多簿書委積于階祀充甚駭焉意謂已死矣左右云不妨陽間掌事但不可洩于人耳因問充之先代何人尚在此左右曰並已受生又問妻族何人尚在此亦曰已受生矣曰問馬家何人尚在此左右曰有井侄數人未得受生充曰何故也答曰為證口舌事未了馬氏者蓋充之內子前夫之家

充固不知其家世既寤亦不敢言之俄而疾愈因暇偶與內子言馬家骨肉為事何若答曰亦皆如常因語其善惡性答曰餘無他但諸子或忿爭即好于星斗下焚香作咒誓充默然心知乃言曰口舌事驗矣充自爾每月率三兩次如夢寐中至冥間涖職積一歲頗厭怠之且慮久而不祥乃與親友言之由是不復往矣大中祥符初始以疾終

叅政又言應舉時素未常至中書也而忽夢入一

府第升堂皇而決事回顧堂後室中有四婦人並坐既悟思之都莫曉矣爾後由翰苑參大政赴本廳上事洗然宛同昔歲之夢而凡中娶烏狀元梁固予之朋執也天禧丁巳歲三月遇疾而逝予往弔之有女使如王者卒然而偃仆于服室如中風眩之狀曰作靈語如玉吳人而言音酷如狀元狀元汶上人也且戒家人曰勿用悲啼吾到此極快樂已與先內翰相見冥間喜吾至錫賜甚頻又得第宅莊田器四鞍馬僕從近

二百人今為陰山諫議矣汝輩凡上食燒錢須呼陰山諫議我方領之或遇號哭即言學士恐外人聞之以為笑也又予與石中立集賢協議于外將共出俸錢以充喪事如玉又于室中云可自貸却馬更家間收什亦恐得少許國家恩賜足以了得送葬不必更煩祖石二學士也俄而中使傳宣賻錢百十羊酒等及貨烏自餘家資果能營辦又曰可掃廳安椅子劉筠舍人來矣食頃紫微至又曰後事並託祖學士然正字

年少且與撰遺奏懇切陳乞

正字名述亦合得狀元之弟

五貫俸錢且相兼支用因思正字未有料錢若是改轉太祝奉禮厥俸數亦不同表既上朝旨與在京差遣得監鑄錫務特添支錢五貫文既擇日小斂家人出鈿器數副將置壽木中予以恐人之所覬覦因徹去之家中人並不知矣如玉又曰祖學士不欲以銀梭椀探入棺何不換三兩副素漆器著時俟狀元堂弟名逸會葬未至雖闔棺尚未施釘如玉又曰有一物當面甚

為妨礙啓棺視之乃有贈作綵一束橫在面上

又如王素不識書因索茶匣

狀元素好事惟起茶器必自扃鑰

坐自開點啜一甌訖依前封之命筆題署一與狀元同于今尚在類此之事甚多皆不可測凡三日而愈若酒醒者自云不記矣

海州觀察推官韓炳言嘗為隴州從事會知成州

負外郎劉保衡經由召食不食葷茹因語在郡日有一屠者宰一豕既去毛而舉體有黥俱若人之文身者衆聚觀之中有一鼓刃之士慘然

曰此某之兄也死且二歲諦視所類魚龍之狀
宛然及有文字歷歷可驗乃以善價贖而瘞之
此家遂罷其業保衡感而不御肉

相國上谷寇準始平馮公位唯不為禮部而皆徧

歷吏兵戶刑工部尚書參政天水趙公昌言亦

不為禮部而徧歷五行侍郎相國廣平宗公琪

自諫議拜刑部尚書參知政事不歷丞郎給舍

太原王公欽若自學士左正言拜諫議參知政

事貳卿呂公祐之自右史掌誥拜諫議並不歷

郎中員外中憲趙公安仁自學士工部員外郎

拜諫議參知政事內翰梁公顥自司諫掌誥拜

諫議戶部使中憲劉公筠自學士兵部員外郎

拜諫議副翰晏公殊自學士戶部員外郎拜左

庶子充職並不歷郎中

僧贊寧者頗有學問近代罕有其比著僧史言今
之車駕前中使乘馬擁抱以繡帕覆之者俗指
為駕頭贊寧乃云其中有人王經一部蓋不知
而妄作也此乃大朝會時殿中御座耳其形如

杻子

予讀高僧傳有杯渡不知名氏時人莫測之但見以木杯渡水因以目之今其傳因事當指名之可云師或云和尚或以杯渡兩字呼之亦可辨矣而乃十餘處全只稱度似實單名此誤為矣亦猶今之鄙俗有說開元天寶時事指明皇自稱宗者可絕倒矣

阮都官

中度

言陳詢為太子中允嘗夢人語之曰爾之官止于此矣既寤甚惡之而不敢泄後遷

太常丞方以語其妻翊日染疾而逝

尚書白未為貳卿日常夢于一水邊見一人立于水南其人隔水輒拜白曰素不與足下相識何故下拜對曰無答拜某是將來狀元侍郎即將來主文也後累年尚書果為侍郎主人以王世則為狀元及瓊林宴日視之狀貌乃夢中所拜人也因問其方來則曰某湖南人也

王叅政

化基

未及第時常于齋中晝寢甚美忽為鼠嚙其指覺而遂起良久寢所墻倒自是家中

不令畜猫懼其殺鼠也

古人作詩引用故實或不原其美惡但以一時中的而已如李端於郭暖席上賦詩其警句云新開金埒教調馬舊賜銅山許鑄錢善則善矣而鑄錢乃比鄧通耳既非令人又非美事何足美哉大凡用故事多以事淺語熟更不思究便率爾而用之徃徃有誤矣只如李商隱路逢王二十入翰林詩云定知欲報淮南詔急召王褒入九重漢武帝以淮南王安屬為諸父善文辭尊

重之每為報書及賜常召司馬相如等視草乃遣褒是宣帝時人邇者王禹偁作筍詩云稚川龍過頻迴首認得青青數代孫稚川即葛洪之字投杯化龍乃費長房爾蓋是使葛陂之事此乃不思之由又孫僅傳巖詩云刑人一旦起幽深切業煌煌照古今且傳說已非刑人蓋當時有胥靡修築岩道而說在困約中代之以假其資是為胥靡慵賃也豈可謂說為刑人哉

廬山者按山記并郡圖言匡廬山本周武王時有

匡續隱居此山學道歲久屢徵不起仙而上升
至王時以其結廬之所賜號為匡君靖廬山
今山下有匡先生廟存焉乃匡廬只是一山也
近張景臣先生詩序引葛洪所授五嶽真形圖
記云黃帝署廬山為使者是黃帝時既有廬山
又取張密廬山實錄云因廬水而曰廬山也本
名廬而因續曰匡也唐李衛公望匡廬賦序曰
望匡廬之二山則不指其所出莫得而詳焉
洛陽九老祖龍學文集卷之十四

洛陽九老祖龍學文集卷之十五
家集

紘微祖士衡字平叔撰呼延告詞加食邑

乾興元年三月

翊衛雄勇功臣捧日左第三軍都指揮使銀
青光祿大夫檢校工部尚書使持節高州諸
軍事高州刺史御史大夫輕車都尉永安郡
開國侯食邑一千一百戶呼延必顯

朕奉憑几之訓言肇登宸極眷執戈之營衛特舉



徽章庶使勞臣有以知勸惟爾名登勇爵志達善
經居然御衆之材蔚有訓戎之效入奉周廬之警
出嚴豹服之容純誠可嘉茂渥宜及增其秩品進
以爰田勉報朝榮惟忠與孝可特授檢校禮部尚
書使持節高州諸軍事高州刺史兼御史大夫依
舊捧日左第三軍都指揮使加食邑三百戶食實
封一百戶功臣散官勲封如故

太宗故推忠協謀守正佐理功臣開府儀
同三司行尚書左僕射兼門下侍郎同中

書門下平章事充玉清昭應宮使昭文館
大學士監修國史上柱國河內郡開國公
食邑一萬二千七百戶食實封五千一百
戶贈太師謚曰文簡向公神道碑銘

朝請大夫尚書禮部郎中上護軍范陽

縣開國伯食邑七百戶賜紫金魚袋臣

祖士衡奉勅撰

士衡乃文簡之孫播也所以知文簡之詳

臣聞麗高穹者萬象而斗魁制其中高宗廟諱廣廈者家
材而棟梁任其大民惟后而斯戴后非臣而罔又

天地裁成之日一二萬機聖賢會遇之期旦暮十載若乃自天生德乘時奮庸守正以持平宣獻以敷制切廟當世之務嘉靖有邦之正便籓帷宸繫丙魏之同心照爛簡編與閑散而爭烈者其惟元宰河內公乎公諱敏中字常之其先宗左師之裔也後世徙居大梁子孫曰家烏曾祖萊國公諱貽孫祖許國公諱載烈考曾國公諱禹皆贈開府儀同三司太師尚書令兼中書令而國爵之命凡五遷馬密印泥書輝映里門曾祖妣張夫人祖妣孫

夫人妣史夫人以韓魏晉三國中追封之典善慶之來斯遠哀榮之數兼及曾祖而下皆感槩世故優游天爵諸侯不得友萬物莫能遷鄉里稱為善人子孫宜有達者而先曾公罷局閱廓志行潔修好聚圖書多交賢俊位匪充量福成有基公生協貴祥切懷夙智山庭月角特稟于奇姿天球河圖居然于重器始就外傳文藻日新先令君治家尚嚴知子為美嘗謂史夫人曰大吾門者吾兒也勿漏吾言恐墮其志寓居近市過往踵門有若儒生

適至傍舍公風骨覩視正行遲因與隣母言稱有
宰相之器俄失所在斯足異焉繼喪二親善居得
禮比至除變四壁蕭然載逾加冠之年始赴命鄉
之舉太平興國五年太宗親御便坐公以進士高
等面賜登科一命將作監丞同判吉州郊祀之度
遷太子右贊善大夫故司空致仕張齊賢時司外
計囑公治狀璽書褒之九年代還遷著作郎覲見
之日奏事稱旨選于三司戶部判官賜五品服未
幾為淮南轉運副使前此涖職率尚剛決析毫定
制破柱求姦公獨不然取一警百甄明吏課勤恤
民隱屬有言公况雄多大畧可併文武之用者驛
召且至將以八作使處之非所好也懇辭得免翌
日繕寫畢生筆述獻于公車亟一牘以回觀固每
篇而稱善得直史館遣還治所耕籍思超遷左司
諫入為戶部判官明年以本官知制誥賜紫當是
時也堯日光華安安為德周家忠厚郁郁成風疇
咨之命亟行潤色之文尤重公以儻望躋于禁垣
發揮大哉之言裁成坦然之制稱職之美僉論歸

之俄同判大理寺有妖尼道安者誣告庭列時諫
議大夫張公去乖任京府判官實公之外舅公抗
疏請不預決讞詔即許之既法僚悉罹譴黜好事
者因定公雖避嫌疑猶涉黨援上惡其言不復問
收俾罷綸閣出知廣州求對清閒之燕罄陳感戀
之誠今之此行非敢憚遠幸生還于京闕期瘁盡
于國家言發危心灌然泣下天子感動愍默久之
且留公業又不可詔遷職方員外郎以申獎任之
意南粵舊邦為一都會重溟伊邇蠻蜚之人雜居

百貨所叢掌握之珍可富控提封之五管嚴守府
之萬兵公之至也閭里懷思如得慈母堂皇決事
號為神明朞月有成淳風革於殊俗異代相望清
節邁于古人逾年就領廣南東路轉運使寄任誠
優風宜且異力耕火種田農之利益微草伏木棲
物怪之名斯衆跋履山川之巖道推行米鹽之細
務辦官屬之能否齊市賈之貪廉遠民悉安列國
胥化太宗察前咎之無狀惜傑才之處外詔還且
以為工部郎中一日宸筆作飛白體書公及故禮

部尚書張公詠之名以賜相府詰朝二三執政進對上曰斯二人名臣也卿頗知之乎左右因盛稱其才上火悅公既至即拜樞密直學士與張公並命為銀臺之制存乎李唐近代以來歸之樞府公嘗援引典故請更設一官局即詔與張公同領之上書之有六體得以裁評施令之告四方此為閔決出納無壅朝廷賴之陟降左右以益親從容言事而甚衆復有決公任廷尉日有博士國子皇甫侶掌無為權務以賅抵罪受其私禱為之末減事

下憲府乃侶嘗寓題尺公不啟緘亟遣持去別詔即訊一介尚存納書竹中瘞于傳舍穿掘斯獲封識宛然飛驛以聞上驚歎即時召見慰勞久之公頓首對以感會非常雖死無報今此一節本畏人知飛語傍連乃至上達非遇覆盆之照將興投抒之疑詞直氣和上為傾聽心則不競幾困于多言道之將行彌隆于乃春天其或者以是開之是月拜右諫議大夫同知樞密院事不旬日之間由外郎之秩遷擢之速當世罕偕甫再見而拜趙卿未

滿歲而得漢相用才之急從古而然惟公奮厲亨
辰發舒盛業道合明主澤及生民許之三賢曾何
足數時淳化二年秋季也至道初遷給事中真宗
即位之始公適在假告力疾入謁得見東序君臣
感咽悲不能勝徐奉慰安俾即親事進封戶部侍
郎會濟陽曹王彬自鎮海節制入為樞密使以公
為副西北二鄙烽煙未寧遣戍勞旋曾無于虛月
伐謀制勝爰在于中堂而公智本天然資畧不世
出為國遠慮咸有告於微言惟帝念功荐盛推于

寵數咸平元年拜兵部侍郎叅知政事二年冬糧
裘犯塞革輅省方詔公兼知樞密院事壁壘朝行
儲胥夕舍出入延見動靜咨詢選將練兵戒器蒐
乘機事尚密率挿羽以馳書謀士或多殆躡足而
進計六羸潛遁萬旅凱還天子以兩河之間綿及
塞下師之所止固荆棘之將生歲比不登念瘡痍
之未起命公為河北河西宣撫使黼帷飲餞貂璫
申諭蕃賜之錫莫非珍竒仍以禁革萬人俾為衛
從郡邑相望凡數千官司肅給車騎甚盛鳴笳清

路百姓爭以縱觀持節勞軍諸侯不敢仰視問閭
里之疾苦宣朝廷之恩德勿艾胥悅至于涕零離
去鄉里之毗得室家而競入跳梁山谷之盜投弓
矢而哀求乃至羗戎遺種城郭諸國聞公之至驩
噪競臻迎拜馬前或言吾父申嚴邊堠震疊天聲
復命來朝禮貌尤異明年三月以本官同中書門
下平章事充集賢殿大學士內則彌綸百度外則
鎮撫四夷志勤勞于邦家德先明于上下巖石之
瞻斯屬鼎飪之味惟和豈勢高之易傾將功成而

當去倏

高宗廟諱

貸田之訐頗致飯煤之猜匪圖辨明深

自劾責以戶部侍郎罷政事節踰年出知永興軍
府事未幾就復兵部高奴之壤保界一隅控大宛
善馬之來為天下勁兵之處屬羗酋之慕化因疆
吏以傳言輟我元臣綏茲異黨命知延州兼兵馬
都部署公作事謹始開心見誠納其懷來許之即
叙行險徼倖固無爾從蓄疑敗謀適足自棄坎輒
之言惟信庭旅之貢甚勤戎索沆寧軍政增肅俄
而陰山之虜盛秋南牧皇赫斯怒旰食罷朝王于

出兵宿食在野專以西事委之于公密許從于便
宜諸侯皆聽其節度調發次補不俟奏可公再拜
奉詔未嘗泄露外禦侮而有素坐鎮俗以同常百
郡幾乎不知四鄙終之無警公之定大事得大體
率此類也可勝言哉知河南府兼西京留守屬圖
建封被召歸現六龍時邁以公東京留守司日畿
千里之廣宮鑰萬戶之嚴政務簡稀令行禁止善
而無迹天下稱之禮畢遷尚書石丞俄兼秘書監
局禁凝嚴盛開元之制度英髦雜集主東之文章

天子以下武應期嚮學篤化來金華侍講之舊躬
石渠稱制之勤而公兩朝柄臣上所尊禮思近者
德樂聞語言即以為工部尚書八政殿大學士屬
有事于汾睢再命權東京留守司禮成拜刑部尚
書明年首夏以本官同中書門下平章事集英殿
大學士公本以平素于顯胥契神靈之運遂踐丞
弼之嘗疑似之謗厥位惟危深思遲暮之年大福
不再而枚卜斯久輿誦益歸簡在上帝之心果為
蒼生而起真祖下暨渥澤其滂加拜中書侍郎諫

憂修祀加開府儀同三司七年夏兼權樞密院明年又詔權涖馳道震方潛龍舊館自飈馭之昭格植珠庭而嚴奉摠斯重事属于台衡以公為景靈宮使僞工畢進位兵部尚書感電之區考室底績命公為兗州景靈宮使慶成奉冊推尊改元肆青典禮蔚縟瑞應紛綸授吏部尚書天子推藝祖慶誕之方實在洛宅擬漢家顧成之廟崇建仁祠儼作繪之威神奉將行之儀衛以公為西京禪院太祖聖容奉安禮儀使亦既復命剡奏避位援禮經之將及奉息詔之弗俞至于再三終不得請天子以公耆明之德宜師長于百僚乃拜為右僕射康濟之術久緝熙于皇極命兼門下侍郎鴻儒之才能就成于大典俾之監修國史寵進之數率有加焉顧待之恩舉無與對天禧二年充玉清昭應宮使首冠四輔奉承萬樞協于友僚恢張法度之政惠此黎獻躋致仁壽之域啓乃之論甚精毗予之託斯重終于哀疾晚于退休壘貢由哀願從還政丙命切至屢勉視事三年重陽節有詔近位盛集

禁國公伸主禮以盡歡逮暮景而罷會趨駕還第
言笑自若暴中風眩初若昏醒俄傾有瘳拜伏猶
若中使交道五返以宣言太豎盈門十全而責效
會就陽有日公弗克侍祠禮成進位左僕射加昭
文館大學士聞命益懼削牘固辭詔以容禮交修
謀猷有素苟守小遜則非朝廷寵重宗臣臣下以
身殉國之意宜即祇受無復重煩公不獲面陳但
望闕頓首庚申歲旦疾勢驟加湯劑並臻繼以鍼
砭泣對傳詔手自封囊願達志誠乞罷重任非敢

愛死實恐辱國絲言荐降皆不垂允臨軒軫慮形
于顏色暮春三月風景恬和少覺體佳頗有戀思
因召門下士授席圍碁啜茗閑話及夕而罷比至
中夜疾不可起乃明日己卯以不起聞享年七十
有二上即時臨哭為慟再賜白金五千兩輟視朝
三日冊贈太尉中書令命入內省太常丞直龍圖
閣馮元攝大鴻臚持節職喪上又臨次發哀羣臣
奉慰自小斂至掩擴內司賓凡三至其第奉常考
行謚曰文簡追祿嗣子遂及諸孫傍逮姻戚之家

下周給使之列即其年六月甲申有司具鹵簿鼓吹奠我公于開封府縣汴陽鄉豐臺里從先曾公之塋也公階崇三司爵冠五等封啓萬室號登八字徽寵之數曷以加焉初娶安定梁氏封本縣君再娶張氏封南陽郡夫人又娶廣平宗氏故疆綏使延照之女封祁國夫人後娶太原王氏故忠武軍節度使同平章事追封秦王審琦之女並風承宮教克著壺儀輔佐宣勞奄忽流歎生五子長曰傳正次曰傳亮並殿中丞傳正賜緋魚袋次曰傳

式次日傳師次日傳範並大理寺丞三女長適金部員外郎李直方次適如京副使王希範又次在室孫十人長大理寺丞賜緋魚袋繹又次大理寺丞絳再次衛尉寺丞紳約綜再次大理丞緯西頭供奉官純次大理寺評事緩綸維孫女八人曾孫四人並幼公風度凝正識局淵深簡言易從官之以信莊色難犯即之也溫不伐而功益高有容而德乃大由布衣而作丞相自委質而至歸全出處不離于令色屯夷不失于正道曠貴全盛凡四十

年享用福履大臣莫二始令君罷符離邑宰丁許
公之憂生計屢空僦居輦下惟公一于傍無近親
偶得鮮原以營真宅俄有隱者過而竊歎謂其後
嗣當至公台豈英袞之崇已高天之默定而青鳥
之兆亦吉地之冥符釋褐臨州最號難治刑清訟
息吉人宜之亟升表著之班迭居要劇之務亨衢
有漸淑問攸歸磅礴外邦遵毓重器執庭中之法
見君子用心慕委珠之名抗章辭設論入鎮秉酌
泉之節罷郡無橐實之資密侍威嚴陪于前馬贊

領樞務責之生籌屬戎堠之尚嚴講兵鈴之至衆
朝奏暮召靡有間時夜思晨行是稱盡力雅善敷
納言必詣理方書簡冊進讀如流已事而還上為
目送或問溫樹更答他言每下殿門更有常處山
川曲折之狀畫地可成邊防緩急之機傳檄乃定
際于隆洽預茲弼諧百志惟熙一德匪懈深惟朝
家之大策親贊帝者之上儀昔黃霸長于治民及
為丞相風采不及于魏功名益損惟公外守方面
流豈弟之聲內秉紀綱茂經綸之業謝公有廊廟

之量而不開時畧惟公長轡遠馭幃幄而決勝輕
裘緩帶謔笑以臨戎周勃之謹厚可屬而推樸少
文惟公言成典謨學談韜畧常以經義而進對好
觀故事而奉行薛宣之足以謀王體斷國論而煩
碎不稱賢惟公持重有成醇大成裕公府未嘗按
吏卿大夫各使任其識公孫脫粟一肉賓客仰給
衣食而性忌害外寬內深惟公致位三事故舊不
遺賦祿萬鍾自奉甚薄推轂荐七常若不及虛心
待物豁然無疑張安世匿名迹遠權勢而父子封

侯在位太盛家僮七百皆有手技以殖其貨惟公
子十有餘人在父之時無一釐務者祿賜之入猶
畏盛滿躬以清德率下化成傑然真王佐之才所
以成天下之務前後屢奉詔撰宗廟尊謚及皇帝
徽號冊文斯大手筆事與穹壤相契矣自餘論著
體大思精遺藁僅存成十五卷齋閣岑寂挾策觀
書數歲以來手抄唐吏孜孜讎校朱墨洞分感疾
之前甫爾終帙筆法道勁自成一家檢飭閨門教
誨子侄曰嚴與敬極乎義方鄧訓在家未嘗賜席

石慶入里不敢乘車念肯高宗廟諱之為難諒餘慶之斯
在前歲屬疾涉于累旬徧召家人條約後事裁置
壽木寓置僧坊及此奄然終制已具達人夫觀其
若是歟惟其未報主恩不去相位垂緒言而在耳
齋永恨以入冥若乃務經大猷克庸祇德有庇人
之惠包世之量茲所謂巖廊肅哲之老社稷表幹
之臣者也其一話一言大功大行固已藏之王府
載于國冊而諸孤等履霜露而永感仰風烈之如
有願紀豐碑以表幽隧爰奉俞詔屬于下臣慙匪

當仁庶于傳信其銘曰

天之氣清	地之德寧	大昂儲粹
維嵩降靈	訢合嘉運	公之生兮
舜咨于牧	湯選于衆	出畋協卜
求野消夢	發舒盛業	公之用兮
懿行嘉言	休勛美利	文致太平
武嚴守備	知無不為	事二帝兮
七政以齊	五刑幾措	丹青神化
金玉王度	時惟老成	居元輔兮

其靜也專 其動也直 保茲一人
 建皇極兮 剛亦不茹 柔亦不吐
 式是百辟 遵公路兮 陟路巖廟
 助和鼎鼐 如其天下 想風采兮
 屹若崇山 湛如止水 終之宰相
 自有體兮 池鳳方集 隙駒靡留
 奄忽厚夜 生若浮兮 行將賜几
 不獲歸印 凜然餘風 沒猶振兮
 容車秘氣 袞服密章 送往無還

孝心傷兮 德音孔遐 緒言如在
 翼傳子孫 令族大兮 梁臺南峙
 浚波東走 真宅言歸 名不朽兮
 國典禁樵 都人墮淚 穹石攸刊
 辭無愧兮

文臣李公魏國太夫人符氏墓誌

李文正諱昉字明遠深州人

朝奉郎行右正言直集賢院同修起居
 注輕車都尉賜緋魚袋祖士衡撰

士衡先娶禮部尚書李宗訥之女字

大辯所以知夫人符氏之詳

天禧二年歲在壬午閏四月癸卯故相國文正李公夫人考終于京師崇慶里春秋六十有七天子以其輔佐君子之勞幹理家政之德朝宮庭者踰于三紀啓國封者歷于五邦淑問柔儀為命婦之表自屬纊以俟至專道而行內司賓凡三至其第將祔之禮率有加焉存沒之恩斯為至矣夫人姓符氏其先武都人後徙真定占籍治產遂為北州

之望族高曾而下皆隱德藏器用晦居貞作善降祥自他有耀故殿中諱詞隴西李氏考妣也故吏部郎中賜紫金魚袋宗訥太子右贊善大夫賜緋魚袋宗誨翰林學士玉清昭應官副使右諫議大夫知制誥宗諤朝奉大夫國子博士宗諒子也適宮苑使會州刺史帶御器械曹珮次早亡女也故國子四門助教昭逸今太子中舍賜緋魚袋昭廸大理評事昭迥故大理評事充宣化軍使昭適今大理評事昭遜太常寺奉禮郎昭邁太常寺太祝

刑部詳覆官昭述三班借職昭運太常寺奉禮郎
昭邁進士昭道秘書省校書郎昭邈太常寺奉禮
郎昭適二未仕昭選昭逢孫也彭城劉湛光祿寺
丞潘承右西上閣門副使曹儀右正言直集賢院
同修起居注祖士衡衛尉寺丞錢延年孫壻也一
在室而亡三尚幼孫女也秘書省校書郎元卿次
仲卿季卿耀卿真卿堯卿舜卿正卿升卿晉卿曾
孫也九並幼曾孫女也夫人和順在躬幽閑成德
始在孩稚天資不羣沉靜寡言未嘗嬉戲因心則

孝宗族稱之逮于成人蔚為女士居玩圖史動守
箴誨母氏鍾愛擇對未行以燕婉之見求輒連蹇
而不克時有識者知其貴徵年二十六矣文正公
任翰林學士承旨工部尚書始納采焉先夫人即
夫人之從祖伯姊也二姓好合永資繼室之賢百
兩御歸適協宜家之美一命受封武都郡夫人明
年文正公入躋秘殿乃贊中樞暮月之間正位宰
府夫人時䟽封于曹國儷我碩德嬪于清門朝夕
執勤聿成于閭範歲時稱慶遂冠于內朝而既富

能裁在貴思降寬裕謙約慈惠柔明比宗親待姊
姪則以已下之潔粢盛澄酒醴則以身先之衣不
同梳言無出閫五服之戚中外實繁憧憧往來盈
門交道親踈有序榮悴不移家用益肥人以潛化
為締為絀見功行之勤如山如河知服位之盛每
休澣宴集子婦佐饌兒童捧觴夫人親舉案以致
恭儼如賓而相待故當世言家法者稱李氏焉洎
文正公曳杖晨歌夫人惟堂晝哭哀有餘而盡禮
居無慮以免喪既而整飭閨庭率勵宗黨門內之
治不肅而成今上嗣統封許國太夫人始從子也
自爾國家再欽紱于陽位肇秘玉于天封臨顧之
祥荐膺于神貺顯揚之澤用旌于母儀由是進改
陳魯衛國號焉于時愛子令孫懿親近屬或代言
玉署通藉金閨納駟之第通衢附貂之冠充幄垂
青襲紮濟濟誥誥諸婦在旁莫非甲族粉澤之鈿
並列環珮之聲相聞夏清冬溫克伸于孝養出告
反面匪遠于慈顏而自比部歸全翰林淪謝曾未
數歲戴宣化之亡慈念所鍾居多感注平生無疾

未始晝卧今茲首夏常膳靡加涉乎旬時遂至羸瘠雖勉進醫藥而微瞑不言恬然反真如熟寐者易箒之夕家老始告固已儲量人之財厄送終之其條約後事咸有素焉豈知命之靡常何達生之如是博士君與孝孫昭迥等即以其年孟秩甲申號奉室轉歸葬于河南府河南縣伊水鄉諸葛原與文正公同域而異壙合葬非古得吉兆以在茲其生若浮惟芳猷之不泯嗚呼夫人淑謹內積端厚外彰言無奇表錯志在節儉賓祭之外靡事珍

饒朝覲之餘不衣異綵賦性勤敏精力過人自始筭至內外婦逾四十年率雞鳴而起盛服正容暑雨祈寒無一日少懈服勞攻苦常夙夜而警戒問疾吊喪必先往而後罷家有孤孺乃自鞠之推燥分甘無所不至聞人為善必欲成就其身名撫不有恩未嘗假其顏色若乃居春秋小君之重得易象中饋之宜脩內則之齊莊窺女史之說懌采蘋之能循度隱雷之勸以義鍾夫人之禮郝夫人之法惟是數美無不兼之宜其式孝慈于六親享康

寧于五福著嚴君之家節播壽母之頌聲方抱孫
于高堂遽收神于太素蘭熏玉碎已嗣徽于昔人
石泐金生當取信于來裔恭惟先考諫議文正公
自出士衡無狀又為夫人諸孫之壻周知尊行欽
奉緒言啻哀不文庶資寶錄銘曰

其馨如蘭

比德如玉

終然允淑

出令族兮

長守富貴

能循法度

居中有助

嬪賢輔兮

表率命婦

肅肅雖雖

元服盛容

啟國封兮

言惟婉柔

性本冲澹

國史是鑒

成間範兮

生若夢幻

疾在膏肓

復命曰常

壽木臧兮

疑尚如存

求則不得

孝心惻惻

思罔極兮

東望吾夫

北望吾子

卜葬于此

掩蒿里兮

刻介辭石

追美重泉

慈無媿言

表松阡兮



洛陽九老祖龍學文集卷之十五

洛陽九老祖龍學文集卷之十六
家集

提刑始末

朝奉大夫提點福建刑獄公事兼本路勸農
使提舉河渠公事柱國賜紫金魚袋祖無頗
贈宣奉大夫

公諱無頗字夷甫喜讀書不事他好刺意為詩賦
年十一用父府君蔭補官試于京師其年用兄無
擇為廣東轉運使過嶺思例奏乞家便授江陵府

法曹移廣安軍渠江縣令以廉幹稱改天平軍節
度推官知福州寧德縣簿書民事之暇讀書溫習
寢食不釋卷會是年舉進士鏢試中格廻改大理
寺丞荆門軍簽判數月移知化州治平四年轉大
子中舍又轉殿中丞尋監在京布帛轉國子博士
通判登州時熙寧初役法行為管幹官轉虞部員
外郎通判婺州攝治吳興郡元豐三年官制行換
朝奉郎復轉朝散郎為九江守有治狀為朝廷所
知俄被召權開封府推官三院獄空開封府尹王
存上表稱賀賜公獎諭銀絹修城用夫役十餘萬
人為專一都大提舉官元豐六年閏六月十三日
公上殿奉修城事稱旨賜紫金謝恩當殿兩拜河
決陽武會虜使亟至命公疊治道路無滄浸之患
特減年磨勘朝請郎除駕部郎中自陝西罷牧馬
監其廢地多為民所占公奏請官根括皆如公所
請復賜帛元豐八年公上疏為亡兄無擇安葬事
乞補外任遂知潁州轉朝奉大夫移知邢州乞將
合轉官永不改贈父止乞改贈兄官所請不行而

竟不下磨勘就移提點利州路刑獄未通年以西
京蔡州族屬口夥食貧乞宮觀以便撫恤授提舉
西京嵩山崇福宮因盡散所有以給不足公居蔡
日以松楸為事終宮觀任不離墳側靈芝又生墳
者數本蔡人異之以為孝德所感秦觀紀述其事
獎勸風俗尋授提舉點福建路刑獄諸州斷案有
宜輕而誤重應出而誤入皆原情糾正不動州縣
情輕者以減無辜者獲免屢司拜憲未嘗起獄以
活時譽大抵明敏尤長于吏事其持已也嚴其治
人也恕見于行雖不為驚俗可喜之事人皆知其
中實而不華行于政雖不為振衆可懼之法入皆
知其公正而不倚自福建歸元祐八年正月二十
日感疾卒于杭州餘杭之江亭享年六十有五故
死之日無不歎息皆曰天奪吾善良其子球禮等
扶護歸于蔡紹聖三年正月六日葬從先塋也初
府君嘗以蔡州土厚水深可以為他日歸息之宅
乃囑其子吾死當出祖于蔡及沒至自鳳州公與
兄無擇能奉父之遺訓寶元二年冬十一月歸葬

于汝陽縣西十里岡定居蔡州自此始也公有子
七人長曰琚次日球禮遇房在龍學位日琉日德
孫日德恭日復日德彰皆齒仕版女二人長適奉
議郎前知蘇州長洲縣李程次適承議郎尚書司
勳員外郎陳并孫兒女五十人逐位仕宦南北昨
經兵革之後惟德恭位衍于紹興辛巳歲自蔡州
歸正近已見之德恭叔祖也終朝議大夫知資州
賜紫金魚袋紹興間卒葬于川中富順監蔭補子
孫官四人今在荆南府清溪居

祖氏先茔芝草記

秦觀字少游撰

少游時為蔡州教官

大夫祖公無頗自西蜀使者得請以崇福祠官燕
居于蔡將送朝謂高郵秦人曰祖氏本幽州之范
陽晉將軍逖實我遠祖其後稍徙深州至道間始
來居蔡今汝陽縣陽安鄉十里岡之源則我先府
君之墓也元豐初有芝數十本產于茔中其後歲
歲有之迄今不絕夫豈一氣之運偶然感發莫詰
其所以然耶抑天時人事之際或有以致之也子

其為我記之觀曰草之有芝猶鳥之有鳳獸之有麟從古相傳以為瑞物今乃歲生于先堂之中者殆汝南和氣之應祖氏方大之祥其非偶然決也何以明之汝南在漢為佳郡陳蕃黃憲二許諸袁之徒實皆郡人俗尚風節輕勢士不守道則妻妾恥之故天下號汝南為名士之區迨唐之世始建彰義節度屯宿重兵而季希烈吳元濟秦宗權之屬盜有其地王澤不流民眊無知父以弄兵詔子尤以殺人誨弟故天下號淮西為盜之藪皇朝受

命定都大梁蔡去京師七驛遂為輔郡百餘年間良二千石接武而至興學校脩貢舉以宣布教化而盛德尊行魁奇俊偉之才相繼出焉蓋唐之舊俗浸微而漢之遺風復起當此之時祖氏一門顯者數人府君之從弟士衡掌誥掖垣子無擇通籍內閣大夫踐更中外為省名郎作時膚使行且登用諸子森然多有植立其慶未艾也由是言之芝為汝南和氣之應祖氏方大之祥豈不信然昔新豈氏李興廬于父之墓左有紫芝白芝二本生于

廬上柳完元以為孝治神化陰中其心克致斯事
矧今芝出于股肱之郡侍從之家也哉宜得一時
文學之士比物屬辭歸美于上度為樂歌薦之郊
廟追配元封齋房之篇觀也何足以與于此姑承
大夫之命論次其事以備作者採擇而已元祐八
年四月吉記至道年號是本朝太宗末年

勅書一十三件

一

勅祖無頗省所進奉太皇太后皇太后皇太妃絹

共一千三百匹事具悉朕嗣膺景命祇奉慈闈眷
言共服之良來効貢珍之慶願惟忠蓋深所歎嘉
故茲示諭想宜知悉秋涼汝比好否遣書指不多
及

二十一日勅

二

勅祖無頗省所進奉賀登位銀三百兩事具悉汝
蚤分邦寄具師朝彝肆予涖祚之初爰有旅筵之
貢載循順節曷弭褒懷故茲示諭想宜知悉秋熟

汝比好否遣書指不多及

十一日勅

三

勅祖無頗省權知開封府王存上表稱賀三院獄空事開封典治畿甸稱為浩穰獄刑之蕃其徠舊矣汝協心師職囹圄空虛載惟公勤良以褒尚今賜汝銀三十兩絹三十疋至可領也故茲獎諭想宜知悉

十七日勅

四

勅祖無頗朕總挈政綱力求民隱蠢茲多辟各在一人屬當暑令之行尤念囚繫之苦汝出分憂寄寅布化條宜體朕之哀矜以効天之長育益思明謹無使苛留勅書到日汝可速指揮渥飾洒掃獄房常須淨潔每五日一度差人就獄內監逐人力刷湯枷杻及逐日供給水漿兼罪人內如有疾病者立便差人看承醫療其委無骨肉者支與喫食有人供送茶飯者亦須晝時轉送不得邀難減尅

七

無使罪人或至饑渴所有合歸法者候處斷之時
給與酒食如小可罪犯便須逐旋決遣若是大段
刑禁事關人命亦須盡理速行勘斷不得淹延致
有冤枉仍散下管內汝宜常切提舉無令曠慢及
候依此逐件施行訖聞奏想宜知悉夏熱汝比好
否遣書指不多及

二十七日勅

五

勅祖無頗朕臨御綿區輯和兆姓式屆長羸之序

爰矜庶獄之艱申勅攸司載懷斂恤汝職當寄任
身奉詔條宜察滯留益加明謹勅書到日汝可速
指揮渥飾洒掃獄房常須淨潔每五日一度差人
就獄內監逐人力刷湯枷杻及逐日供給水漿兼
罪人內如有疾病者立便差人看承醫療其無人
供食者官造給之有人供送茶飯者亦須畫時轉
送不得邀難減尅無使或至饑渴所有合歸法者
候處斷之時給與酒食如小可罪犯便須逐旋決
遣若有大段刑禁事關人命亦須盡理速行勘斷

不得淹延致有冤枉仍散下營內汝宜常切提舉
無令曠慢及候依此逐件施行訖聞奏餘依條制
故茲示諭想宜知悉夏熱汝比好否遣書指不多
及

二十七日勅

六

勅祖無頗省所進奉興龍節功德疏一軸事且悉
穠歲舍祥誕辰屬慶嘉一忠之體國薦萬壽之對
天勝集妙緣誼形善祝精誠彌勵欣歎良多故茲

示諭想宜知悉春暄汝比好否遣書指不多及
九日勅

七

勅祖無頗覽所進奉坤成節功德疏一軸事且悉
節紀誕辰慶均率土集真乘之妙數演賢梵之洪
音式將臣子之誠同慶人天之祝春惟忠恪良用
歎嘉故茲示諭想宜知悉秋涼汝比好否遣書指
不多及

二十六日勅

勅祖無頗省進奉坤成節功德疏一軸銀軸頭事
具悉秋籥方更金行協應屬慈闈之盛德紀彌月
之嘉辰恭結勝緣祝延壽祉載惟勤至良厚褒稱
故茲示諭想宜知悉春暄汝比好否遣書指不多
及

二十二日勅

九

勅祖無頗覽所進奉坤成節功德疏一軸事具悉

節屆誕彌慶均中外集三乘之妙教祈百順之休
祥眷若忠誠良深嘉歎故茲示諭想宜知悉秋冷
汝比好否遣書指不及多

二十六日勅

十

勅祖無頗朕惟教導之不篤俾無知之民橫罹罪
罟方夏繁溽纍繫狴牢朕甚憫之汝砥節首公出
分憂寄宜務矜哀勿令慘礪以時視獄副茲欽恤
之懷勅書到日汝可速指揮渥飾洒掃獄房常須

十

淨潔每五日一度差人就獄內監逐人力刷湯加
杻及逐日供給水漿兼罪人內有疾病者立便差
人看承醫療其委骨肉者支與喫食有人供給茶
飯者亦須畫時轉送不得邀難減尅無使罪人或
至饑渴所有合歸法者候處斷之時給與酒食如
小可罪犯便須逐旋決遣若是大段刑禁事關人
命亦須畫理速行勘斷不得淹延致有冤枉仍散
下管內汝宜常切提舉無令曠慢及候依此逐件
施行訖聞奏故茲示諭想宜知悉夏熱汝比好否

遣書措不多及

一日勅

十一

勅祖無頗代天牧民欽哉惟刑之恤司政典獄罔
不惟德之勤官申飭于邦常以奉承于夏令萬方
有罪孰非朕志之哀矜一夫向隅豈助物生茂豫
肆吾孚號戒爾在官事無變于清明心必存于忠
恕惟察惟法勿替朕言勅書到日汝可速指揮渥
飾洒掃獄房常須淨潔每五日一度差人就獄內

上

監逐人力刷湯枷杻及逐日供給水漿兼罪人內如有疾病者立使差人看承醫療其妻無親人者支與喫食有人供送茶飯者亦須畫時轉送不得邀難減尅無使罪人或至饑渴所有合歸法者候處斷之日給與酒食如小可罪犯便須逐旋決遣若是大段刑禁事關人命亦須畫理速行勘斷不得淹延致有冤枉仍散下管內汝宜常切提舉無令曠慢及候依此逐件施行訖聞奏餘依條制故茲示諭想宜知悉夏熱汝比好否遣書指不多及

十五日勅

十二

勅祖無頗朕若古御國本天布化永念編氓之衆靡勝罹罪之蕃屬爰鬱之正興在繫繫之良苦將導盛陽之德尚虞庶獄之苛稽有舊章特詔矜頒勅書到日汝可速指揮渥飾洒掃獄房常須淨潔每五日一度差人就獄內監逐人力刷湯枷杻及逐日供給水漿兼罪人內如有疾病者立便差人看承醫療其妻無骨肉者支與喫食有人供送茶

飯者亦須晝時轉送不得邀難減尅無使罪人或
至饑渴所有合歸法者候處斷之時給與酒食如
小可罪犯便須逐旋決遣若是大段刑禁事關人
命亦須盡理速行勘斷不得淹延致有冤枉仍散
下管內汝宜當切提舉無令曠漫及候依此逐件
施行訖聞奏故茲示諭想宜知悉夏熟汝比好否
遣書指不多及

二十四日勅

十三

勅獄者人命之至重也故刑罰不中則民無所措
手足方盛夏長養之時有司其蠲煩獄出輕繫以
奉順天氣夫以苛為察以刻為明豈勝朕所以哀
矜之意哉勅書到日汝可速指揮渥飾洒掃獄房
常須淨潔每五日一度差人就獄內盥逐人力刷
湯枷杻及逐日供給水漿兼罪人內如有疾病立
便差人看承醫治其委無骨肉者支與吃食有人
供送茶飯者亦須晝時轉送不得邀難減尅無使
罪人饑渴所有合歸法者候臨處之時給與酒食

如小可罪犯便須逐旋決遣若有大段刑禁事關人命亦須盡理速行勘斷不得淹延致有冤枉仍散下管內汝宜當切提舉無令曠慢及候依此逐件施行訖聞奏故茲示諭想宜知悉夏熱汝比好否遣書指不多及

二十八日勅

跋韓熙載夜宴圖

南康中書侍郎韓公熙載後主時知國祚將廢放懷盃酒間以自汙後主欲用為相而聞縱逸不檢

每伺其家宴令畫工顧弘中丹青以進其卷首即與公門生朱鉞紫微印綵狀元及教坊副使李嘉明并其妹按胡琴又公自擊鼓妓王屋山舞六么王屋山俊慧非常公最憐愛每醉須樂賂之乃醒幼令二婢出家號凝酥素質後主復信小人之譖遂黜公以左庶子分司南京受命日盡逐羣婢車就略後主憐之留為尚書不數日羣婢復集飲逸愈甚後主歎曰孤不得熙載為相矣既而薨于私第後主泣之慟贈平章事謚曰文元豐己未孟

夏二十日洛陽祖無頗題

提刑第五子諱德恭字肅之乃德安府洛雁
朱少師之孫壻頃于宣政間待普州太守闕
挈家寓居安陸縣城北普光寺中與張金紫
之孫字宣卿去皆為親契因出葬賦挽詩令
附之于末云

德恭伏承致政安卿承事出葬有期不勝
感愴輒成挽詩三首以道追往之意范陽
祖德恭上

孝養人誰及清脩少比倫旋聞丹旆具俄見軸車
存空歎音塵遠猶思燕席温安然向寔岁感涕一
銷魂

清白傳家舊天鍾間世才大椿宜更壽喬木遜先
摧難正交情淚空遺寶燭灰幽墟歸葬處恻恻暮
雲堆

重歎張夫子神襟遽弗寧摧山傾嶽萋萋奄椿
齡舊室惟圖像新阡但刻銘何堪聽訶挽埋玉在
幽垆

洛陽九老祖龍學文集卷之十六終

洛陽九老祖龍學文集并源流始末

祖氏源流

上世幽州祖于范陽為著姓涿州三縣苑其後稍
 徙深州而因家安平縣凡數世幽州南一百二十
 百二十里至深州里幽州南一百二十
 倚郭縣曰安平里幽州南一百二十
 李丞相自深而遷汴故相文正李公昉之婿則仲
 宣是也仲宣仕為都官生侍郎諱岳貫開封府開
 封縣清和坊戶至道間始來寓居蔡州仲儻遭除
 太祖拔擢為右補闕廣南西路轉運使與其子諱

國家圖書館 NATIONAL CENTRAL LIBRARY, TAIWAN, R.O.C.

岳回居許州岳以宿骨為仙侍郎有四子伯曰士
良無祿早世仲曰士安登天禧三年進士終銀青
光祿大夫季曰士龍用弟士衡蔭補官終太中大
夫曰士衡狀元及第終知制誥

龍學始末

公諱無擇字擇之蔡州人王父尚書吏部侍郎諱
岳父銀青大夫諱士安公寶元元年進士第三人
及第授承奉郎通判齊州年餘召試充直史館次
知南康軍海州遷秘書丞廣南東路徙荆湖北路

皆為提點刑獄加太常博士直集賢院改廣東轉
運使時廣源州蠻入寇陷嶺外數州公提兵勦逐
未舉移典袁州自慶曆詔天下立學十年間徒為
文具無命教之實公下車首建學官置生飾郡國
弦誦之風由此始盛召除同修起居注時封孔子
四十七代孫宗愿為文宣公公言前代所封在漢
魏曰宗聖在晉宋曰奉聖後魏曰宗聖北齊曰恭
聖唐初曰褒聖開元中尊孔子為文宣王遂封其
後為文宣公是以祖謚而加後嗣非禮也于是下

近臣議改為衍聖公尋奉使契丹回數月出知陝州及湖北轉運使入為中書舍人兼宗正寺修玉牒守判太府寺嘉祐六年富相奏舉天下遺才詔從時王拱辰尹洙薦邵雍仁宗命公行詞次後公與宰相吳充復薦之嘉祐八年假右諫議大夫充英宗即位契丹皇太后國信使還見對以卻書御篆四朝寶字賜之仁宗虞主至自山陵英宗迎至集英殿公與諫官司馬君實奏請親虞下禮院詳議以聞治平元年獻皇極箴司馬君實獻戰國通

忠並賜詔獎之二年糾察在京刑獄遷左諫議大夫加龍圖閣直學士知開封府七月進龍圖閣學士知開封府其後出知鄭杭二州神宗召知通進銀臺司初詞臣作詔命許受潤筆物王安石與公同知制誥公為先進安石辭一家所饋以其物置舍人院梁上安石憂去公性端毅以安石沽矯虛名取為公用安石聞而怒之後安石出使江東多指士謗公作書馳報可謂忠言安石答書其言怒益甚至是安石當國密諭監司求公守杭之事監

司承風旨採以妄言聞于朝乃遣御史王子韶按治終無所得子韶知安石意詎以送賓客酒三百小瓶蘇頌鄭獬御使張戩等皆上疏力言其不可是時公年六十不幸值安石專政司馬君實堅辭求出公慨然乞分司提舉西京御史臺與文潞公富韓公司馬溫公數君子為真率會洛中謂之九老公分司十餘載神宗厭薄安石出于外元豐六年復起公典藩賜玉帶方大用公卒矣時元豐八年正月十五日士論惜之公為人好義篤千師友

少從孫復學經術從穆修為古文兩人死力求其遺本彙次之傳于世以言語政事為時名臣槩見于史冊公平生所作文甚多自兩經兵革之後家藏并收拾止得十之三四今集為十卷名曰煥斗集蓋取公出知陝府日歐陽永升餞行詩有曰西州政事藹風誰右掖文章煥星斗故也又有名臣賢士詩與文兩卷附之公之叔祖諱岳為神仙士衡為狀元紘微弟諱無頗為福建路提刑亦有傳記勅書與文其姪惟有資州太守諱德恭者詩三

首共又作四卷亦附之公之妻叅政王舉正長女也連袂梅堯臣韓繹李復圭范子開紹熙三年九月吉日曾孫承直郎特添差袁州軍事判官仍釐務范陽祖衍頓首再拜謹題

洛陽九老祖龍學文集并源流始末終

右祖龍學家集十六卷典雅韞藉我國朝太平之文獻也苗裔有居合肥者貧不給饘粥能保此版不妄予人獨欣然以歸其學其志可嘉尚已然版之脫亡二十有九不能為完書雖得別本帑亡羨財弗克治故書目僅存其名國體懷茲久矣于是騰校刊補卷秩始備庶幾以傳可遠亦先哲之志云紹定己丑十月既望郡文學趙國體敬識于卷末